

摘藻堂四庫全書薈要

經部

欽定四庫全書薈要

經部
儀禮注疏卷五



欽定四庫全書薈要卷二千四

經部

儀禮注疏卷五

漢鄭氏注 唐陸德明音義 賈公彥疏

鄉射禮第五

鄉射之禮○主人戒賓賓出迎再拜主人答再拜乃請

注主人州長也鄉大夫若在焉則稱鄉大夫也戒猶警也語也出迎出門也請告也告賓以射事不言拜辱此為習民以禮樂不主為賓已也不謀賓者時不獻賢能

事輕也今郡國行此禮以季春周禮鄉老及鄉大夫三年正月獻賢能之書於王退而以鄉射之禮五物詢衆庶諸侯之鄉大夫既貢士於其君亦用此禮射而詢衆

庶乎音義

長丁丈反警音景語
魚據反為于偽反

疏

釋曰自此至無介論
州長將射先戒賓之

事案大射前三日宰夫戒宰及司馬又射前一日樂人宿縣此不言日數則戒賓與射同日矣禮同鄉飲酒也以其鄉射先行鄉飲酒鄉飲酒戒賓與飲酒同日知此鄉射戒賓與射亦同日也注釋曰案鄉大夫是諸侯鄉大夫則此州長亦諸侯之州長以士為之是以經云釋獲者執鹿中記云士庶中是皆為此州長射而言是諸侯州長可知若天子州長中大夫為之若然記云大夫兕中者為鄉大夫詢衆庶而言也云鄉大夫若在焉則

稱鄉大夫也者謂大夫來臨禮之時州長戒賓不自稱
稱鄉大夫以戒賓也云出迎出門也者謂出序之學門
亦如鄉飲酒出庠門皆有一門入門即至堂耳云不言
拜辱者此為習民以禮樂不主為賓已也者對鄉飲酒
主人戒賓賓拜辱者彼為賓已非為習民以禮樂故也
云不謀賓者時不獻賢能事輕也者還決鄉飲酒獻賢
能故須就先生而謀賓介禮重對此不獻賢能為輕故
不謀賓也云今郡國行此禮以季春者漢時雖無諸侯
國而置郡為守其王之子弟猶名國其君曰相故鄭注
禮記云如今從大守相臨之禮是也引之者證時節與
周異也云周禮至衆庶皆周禮鄉大夫職文引之者證
此鄉射中兼有鄉大夫行射禮故有射於堂及兕中之
事云五物者案彼云一曰和二曰容三曰主皮四曰和
容五曰興舞鄭注云和載六德容包六行也庶民無射
禮因田獵分禽則有主皮主皮者張皮射之無戾也主
皮和容興舞則六藝之射與禮樂與當射之時民必觀

焉因詢之也是也鄭云和載六德者和是六德之下六德大故舉下以載上也容為孝者人有孝行則性行合容故以孝為容孝是六行中之大故舉上以包下故云容包六行也云主皮六藝之射者但六藝之中射總言諸射不專據主皮但三物教萬民射唯有主皮此詢衆庶不兼士已上故以主皮為六藝之射以和容為禮者禮之用和為貴又行禮有容儀是以漢時謂禮為容故以禮為和容也以興舞為樂者為樂必興舞故興舞以表樂也若然六德與六行在身所有故可舉少以兼多六藝施於外非獨身所行不可舉一以包六但六者之中御與書數三者於施化民為緩故特舉禮樂與射而言之鄭以主皮和容興舞非射及禮樂之正名故云與以疑

賓禮辭許主人再拜賓答再拜主人退賓送再拜

注退還射宮省錄射事疏

注釋曰射宮者鄉庠州序是也知省錄射事者即下文云

乃張侯之等是也。下言飲酒之事，知不為飲。無介注，雖酒事者以飲酒者止為射事，故以射為主也。

先飲酒主於射也。其序賓之禮略疏。

注釋曰：鄭云：雖先飲酒者自此已下。

先言飲酒獻後乃射，以是禮記射義云：古者諸侯之射也，必先行燕禮。卿大夫士之射也，必先行鄉飲酒之禮。是也。但鄉飲酒之禮有介一人以輔賓，此無介者，主於射序賓之禮畧，故無介以輔賓也。○乃席賓

南面東上，注不言於戶牖之間者，此射於序疏。

釋曰：自此以下。

至羹定，論將射，預前設席位，尊罍樂縣及張侯之事也。注釋曰：云不言於戶牖之間者，此射於序者，決鄉飲酒在序，以其序無室。序有室，此據州長射於序，以其無室。無戶牖，設席亦當戶牖之處耳。言東上亦主人在東，故席端在東，不得以曲禮席南向。北向西方為上，因陰陽解之也。衆賓之席繼而西，注言

繼者甫欲習衆庶未有所殊別音義

別彼列反疏注釋曰甫始也言始

欲習衆庶未有所殊別此決鄉飲酒三賓之席不屬殊別彼有德之人故各自特不繼有所殊別

席主

人於阼階上西面注阼階東階尊於賓席之東兩壺斯

禁左玄酒皆加勺篚在其南東肆注斯禁禁切地無足

者也設尊者北面西曰左尚之也肆陳也音義

斯如字劉音賜

勺上灼反

疏

注釋曰云斯禁禁切地無足者也者案州長是士應言禁制不言者其中兼有鄉大

篚音匪

夫禮故舉大夫斯禁與鄉飲酒同云設尊者北面西曰左尚之也者經云左玄酒據人設尊北面故以西為左若據酒則以南面為上地道尊右以西為右玄酒在右故云尚之若然云左據設尊又云尚之據酒尊也設

洗於阼階東南南北以堂深東西當東榮水在洗東篚

在洗西南肆注榮屋翼也音義

深申
鳩反

縣於洗東北西面

注此縣謂磬也縣於東方辟射位也但縣磬者半天子

之士無鍾音義

辟音避
辟音避

疏

注釋曰云此縣謂磬也者對
大射縣鍾磬罇具有也云縣

於東方辟射位也者此言射決鄉飲酒無射事縣於階
間也云但縣磬者半天子之士無鍾者案周禮小胥職
云半為堵全為肆鄭云鍾磬者編縣之二八十六枚而
在一虞謂之堵鍾一堵磬一堵謂之肆半之者謂諸侯
之卿大夫士也諸侯之卿大夫半天子之卿大夫天子
之卿大夫判縣者東西各有鍾磬為肆諸侯之卿大夫
判縣者分一肆於兩廂東縣磬西縣鍾若天子之士特
縣者直東廂有鍾磬二虞為一肆諸侯之士分取磬而

已縣於東方為特縣故云無鍾對大夫及天子士有鍾若然此既兼鄉大夫詢衆庶當為判縣宜有鍾而總云無鍾者方以禮樂化民雖大夫亦同士特縣也若鄉飲酒方賓鄉人之賢者從士禮也其天子諸侯鍾磬罍具卿大夫天子士已下亦無罍知者以其諸侯卿大夫士半天子卿大夫士若有罍添鍾磬為三半不得故知卿大夫已下

○乃張侯下網不及地武注侯謂所射布也

皆無罍也

網持舌繩也武迹也中人之迹尺二寸侯象人網即其

足也是以取數焉音義

射食亦反

疏

釋曰此已下論預張侯之事注釋曰鄭知侯用

布者案下記云獸侯大夫士皆言布侯則餘賓射大射其侯皆用布此鄉射采侯二正亦用布可知云網持舌繩也者周禮梓人云上綱與下綱出舌尋纁寸焉注云綱所以繫侯於植者也故云綱持舌繩也云武迹也中

人之迹尺二寸者無正文蓋考驗當時而言似云中人足挽圍九寸也漢禮云五武成步步六尺或據此而言也云侯象人者案鄭注梓人云上下皆出舌一尋者亦人張手之節也以其張侯之法下兩舌半上舌兩頭綱皆出一尋即是上廣下狹象人張足六尺張臂八尺故云象人也云綱即其足也者謂經下綱象足云是以取數焉者以下綱象足張之六尺是取數於武也

不繫左下綱中掩束之注事未

至也音義

中丁仲反**疏**注釋曰案下記云東方謂之右个注侯以向堂為面也則此左下綱以西

畔而言云中掩束之者案記云鄉侯一丈倍中以為躬二丈倍躬以為左右舌四丈兩舌各出一丈又云下舌半上舌則左右各出五尺今將此五尺與下綱不繫者中掩左廂向東待將射乃解之故云事未至也**乏**

參侯道居侯黨之一西五步注容謂之乏所以為獲者

御矢也侯道五十步此乏去侯北十丈西三丈音義

為于

偽反獲

疏

釋曰乏參侯道者謂三分侯道云居侯黨之

如字

一者黨旁也謂在侯西北邪向之故以旁言

之其居旁之一者謂侯道內三分之居一分之地十丈也云西五步者據侯之正北落西有五步即三丈也注

釋曰云容謂之乏者案周禮射人職云王以六耦射三侯三獲三容五正彼據王三侯有三容容者以革為之

可以容身故云容也云乏者謂矢於此匱乏不去故云乏也云獲者御矢也者謂唱獲者恐矢至其身故云獲

者御矢也云侯道五十步者記云鄉侯五十弓弓之下制六尺與步相應故鄭云步也云此乏去侯北十丈者

五十步計之步六尺五十步則三十丈三分取一為十丈云西三丈者經云西五步五六三十故云三丈也遠

近如此者一得避矢一得去堂二十丈聞唱獲聲是其節也

○羹定注肉謂之羹定

猶熟也謂狗熟可食音義

定多倭反

疏

注釋曰云謂狗熟者此與鄉飲酒同亭狗

是也於東方

主人朝服乃速賓賓朝服出迎再拜主人答再

拜退賓送再拜注速召也射賓輕也戒時玄端今郡國

行此鄉射禮皮弁服與禮為異音義

朝直遙反

疏

釋曰自此至當楣北

面答再拜論主召賓從已之事此主人與賓俱朝服案鄉飲酒賓主俱不言服者以彼賓禮重故戒與速賓俱朝服故不言此習禮輕是故戒時玄端召時乃朝服故須言之也注釋曰必此戒時玄端者見公食大夫云賓朝服即位於大門外如聘注云於是朝服則初時玄端宜與彼同皆是戒時不言服後速時朝服故知此亦戒時玄端矣且鄉飲酒戒速俱不言服知皆朝服者下記云鄉朝服而謀賓介是也云今郡國已下引之者欲見

與周賓及衆賓遂從之○及門主人一相出迎於門外

再拜賓答再拜注相主人家臣擯贊傳命者音義

相息亮反

傳大專反

疏

釋曰鄉飲酒云賓及衆賓皆從之彼兼介故云皆此無介故不言皆也云主人一相

出迎於門外注與鄉飲酒同此亦主人自揖衆賓注差

迎而言一相者使之傳賓言兼相禮也

卑禮宜異疏

注釋曰此賓與衆賓同是鄉人無爵者而云差卑者唯據立為賓者尊衆賓即為卑

不論有爵無爵也云禮宜異者賓則拜之衆賓則揖之是其異也

主人以賓揖先入注

以猶與也先入入門右西面疏

注釋曰云以猶與者案左氏傳云蔡侯以吳子

及楚人戰于柏舉彼以者能東西之曰以以謂驅使前人之稱此言嫌有驅使之稱故以為與謂主人與賓是

以為平敵之義故須訓之云先入入門右西面者賓厭
此注亦與鄉飲酒同以其賓入東面故西面待之

衆賓衆賓皆入門左東面北上賓少進注引手曰厭少

進差在前也今文皆曰揖衆賓音義

厭於涉反
下賓厭同

疏

釋曰
此經

亦與鄉飲酒同此云賓少進
彼亦宜然不言者文不具也

主人以賓三揖皆行及階

三讓主人升一等賓升注三讓而主人先升者是主人

先讓於賓不俱升者賓客之道進宜難也疏

釋曰言皆
行者賓主

既行衆賓亦行故云皆行鄉飲酒亦皆不言者文略也
注釋曰知主人先讓於賓者以其主人之法先升導賓
賓後升進宜難禮之當然故知主人先讓賓也此
先升一等禮之常燕禮君升一等者尊君故也主人

阼階上當楣北面再拜賓西階上當楣北面答再拜注

主人拜賓至此堂音義

楣亡悲反

疏

注釋曰

知拜是拜至者鄉飲酒義云拜至拜洗

公食亦云當楣北嚮再拜故知拜是拜至

○主人坐取爵於上篚以降注將

獻賓也疏

釋曰自此至主人阼階上答拜論主人獻賓之事凡取爵於篚以降者皆是上篚鄉飲酒

不言上者文略也

賓降注從主人也主人阼階前西面坐奠爵

興辭降注重以主人事煩賓也今文無阼階賓對注對

答疏

釋曰鄉飲酒注云賓主之辭未聞此不注從可知

主人坐取爵興適洗南

面坐奠爵于篚下盥洗注盥手又洗爵致潔敬也古文

盥皆作浣音義

浣戶管反

賓進東北面辭洗注必進者方辭

洗宜違位也言東北面則位南於洗矣主人坐奠爵于

篚興對賓反位注反從降之位也鄉飲酒曰當西序東

面主人卒洗壹揖壹讓以賓升賓西階上北面拜洗主

人阼階上北面奠爵遂答拜乃降注乃降將更盥也古

文壹皆作一賓降主人辭降賓對主人卒盥壹揖壹讓

升賓升西階上疑立注疑止也有矜莊之色音義

疑魚乞反

疏

注釋曰鄉飲酒注云疑讀為乞然從於趙盾之乞疑正立自定之貌此言疑止也有矜莊之色二注相兼

乃具也

主人坐取爵實之賓之席前西北面獻賓注進於

賓也凡進物曰獻疏

注釋曰云凡進物曰獻者欲見此賓乃是鄉民而已無尊卑上下猶

言獻者此獻直是進物而言進獻之也案周禮王府注云古者致物於人尊之則曰獻彼據尊敬前人雖卑亦曰獻若齊侯獻捷於魯之類義與此別也賓西階上北面拜主人少退注少

退猶少辟也音義

辟婢亦反一音避

疏

注釋曰鄉飲酒文與此同注云少退少辟及下

文云賓少退注云少退遠巡義亦與此同

賓進受爵于席前復位注復位西

階上位主人阼階上拜送爵賓少退薦脯醢注薦進賓

升席自西方注賓升降由下也疏

注釋曰凡席升由下降由上下文降席不

由上者以主人在東敬主人不得降由上又於
席西拜便使升降皆由下故云賓升降由下也
乃設折

俎注牲體枝解節折以實俎也音義

折之設反後皆放此

主人阼

階東疑立賓坐左執爵右祭脯醢奠爵于薦西興取肺

坐絕祭注卻左手執本右手絕末以祭也肺離上為本

下為末疏

注釋曰鄭皆約鄉飲酒知之也

尚左手齊之注齊嘗也右手

在下絕以授口嘗之音義

齊才計反

興加于俎坐挽手執爵

遂祭酒興席末坐啐酒注挽拭也啐嘗也古文挽作說

音義

挽始銳反啐七內反拭音式

降席坐奠爵拜告旨注降席席西

也旨美也執爵興主人阼階上答拜賓西階上北面坐

卒爵興坐奠爵遂拜執爵興注卒盡主人阼階上答拜

○賓以虛爵降注將洗以酢主人疏

釋曰自此至賓西階上答拜論賓酢

主人之事鄉飲酒不言虛爵直云降洗此直言虛爵降不言洗互見為義相兼乃具也

主人降注

從賓也降立阼階東西面當東序疏

注釋曰皆鄉飲酒文也

賓西

階前東面坐奠爵興辭降主人對賓坐取爵適洗北面

坐奠爵于篚下興盥洗注賓北面盥洗自外來疏

注釋曰對

主人自內出南面上文主人坐取爵適洗南面是也

主人阼階之東南面辭洗賓

坐奠爵于篚興對主人反位注反位從降之位也主人

辭洗進也疏

注釋曰云反位從降之位也者即上東序之西南面位云主人辭洗進者經直言反

不言進鄭以言反位由前進乃反位故鄭却本之主人辭洗進也

賓卒洗揖讓如初升

疏

釋曰言如初則亦一揖一讓也

○主人拜洗賓答拜興降盥如主人

之禮賓升實爵主人之席前東南面酢主人注酢報主人
人阼階上拜賓少退主人進受爵復位賓西階上拜送
爵薦脯醢主人升席自北方乃設折俎祭如賓禮注祭
薦俎及酒亦齊啐不告旨注酒已物自席前適阼階上

北面坐卒爵興坐奠爵遂拜執爵興賓西階上北面答

拜注自由也啐酒於席末由前降便也音義

後放此

疏

注釋曰鄭知義然者亦約鄉飲酒得知也

主人坐奠爵于序端阼階上再

拜崇酒賓西階上答再拜注序端東序頭也崇充也謝

酒惡相充滿也疏

釋曰奠爵于序端此擬下獻衆賓故云取爵于序端與鄉飲酒同也

○

主人坐取觶于篚以降注將酬賓音義

觶之

疏

釋曰自此至當

西序論酬賓之事

賓降主人奠觶辭降賓對東面立主人坐取

觶洗賓不辭洗注不辭洗以其將自飲卒洗揖讓升賓

西階上疑立主人實觶酬之阼階上北面坐奠觶遂拜

執觶興注酬勸酒賓西階上北面答拜主人坐祭遂飲

卒觶興坐奠觶遂拜執觶興賓西階上北面答拜主人

降洗賓降辭如獻禮注以將酌已疏注釋曰鄭言此者前不辭洗主人自

飲至此辭洗以將酌已故辭也升不拜洗注酬禮殺也音義殺所賓西

階上立主人實觶賓之席前北面注酬賓賓西階上拜

主人坐奠觶于薦西賓辭坐取觶以興反位注賓辭辭

主人復親酌已音義復扶又反疏注釋曰此辭前獻時主人

阼階上拜送賓北面坐奠觶于薦東反位注酬酒不舉

疏

注釋曰鄉飲酒注引曲禮不盡人之歡之事此不言亦從彼注可知

主人揖降賓降東

面立于西階西當西序注主人將與衆賓為禮賓謙不

敢獨居堂○主人西南面三拜衆賓衆賓皆答壹拜注

三拜示偏也壹拜不備禮也獻賓畢乃與衆賓拜敬不

能並音義

編音

疏

注釋曰云三拜示偏也者衆賓無問多少止為三拜而已是示偏也云一

拜不備禮也者衆賓人皆一拜是拜不備禮此亦答大夫拜法以其此禮中含鄉大夫法若答士拜則亦再拜見於特牲也云獻賓畢乃與衆賓拜者自爾來唯與賓拜未與衆賓拜今始拜之故云敬不能並

主人

揖升坐取爵于序端降洗升實爵西階上獻衆賓衆賓

之長升拜受者三人注長其老者言三人則衆賓多矣

國以多德行道藝為榮何常數之有乎音義

長丁文反行下孟反

疏

注釋曰衆賓之長升拜受者三人此雖非賓賢能其衆亦三人在堂上與鄉飲酒數同其堂下衆賓無定

數故鄭云言三人則衆賓多矣云國以多德行道藝為榮者案周禮大司徒以鄉三物教萬民一曰六德二曰

六行三曰六藝此既鄉人則德行亦據六德六行道藝則六藝也此並與鄉飲酒賓介與衆賓之類並來與在

射中是以孔子射於矍相之圃觀者如堵牆彼亦據孔子為鄉大夫習人以禮樂之射至於誓之於後僅有存

焉亦無常數之事也

主人拜送注拜送爵於衆賓右疏

注釋曰知在衆賓右

者約鄉飲酒獻衆賓皆於西階上賓右知之也

坐祭立飲不拜既爵授主人爵

降復位注既盡疏

釋曰此還據堂上三人者降復賓南東面位

衆賓皆不拜

受爵坐祭立飲注自第四以下又不拜受爵禮彌略疏

注釋曰此謂堂下衆賓無數者故鄭云自第四以下云又不拜受爵禮彌略者三賓雖坐祭立飲不拜既爵仍拜受此衆賓非直坐祭立飲不拜

每一人獻則薦諸其

席注諸於疏

釋曰此還據堂上三人有席者故云薦諸其席謂席前也

衆賓辯有脯

醢注薦於其位音義

辯音通

疏

注釋曰還據堂下無席者故鄭云薦於其位不云席

也

主人以虛爵降奠于篚注不復用○揖讓升賓厭衆

賓升衆賓皆升就席疏

釋曰自此以下至舉
禪者降論旅酬之事

一人洗舉

觶于賓注一人主人之吏疏

注釋曰主人之吏亦謂
府史以下非屬官也

升

實觶西階上坐奠觶拜執觶興賓席末答拜舉觶者坐

祭遂飲卒觶興坐奠觶拜執觶興賓答拜降洗升實之

西階上北面注將進奠觶賓拜注拜受觶舉觶者進坐

奠觶于薦西注不授賤不敢也疏

注釋曰以其是主人
之吏既賤故不敢親

授奠賓辭坐取以興注若親受然疏

注釋曰云若親受
然者賓辭即坐取

以興故云若
親受然也

舉觶者西階上拜送賓反奠于其所舉觶

者降疏

釋曰云反奠於其所者還於薦西以其射後賓北面舉之為旅酬故不奠於薦東也

○大

夫若有遵者則入門左注謂此鄉之人為大夫者也謂

之遵者方以禮樂化民欲其遵法之也其士也於旅乃

入卿大夫士非鄉人禮亦然主於鄉人耳今文遵為俱

音義

俱音遵

疏

注釋曰云大夫若有遵者言若者或無不定故云若也鄭知是當鄉大夫者以其鄉

射既與人行射禮而言大夫者當鄉大夫可知云其士也於旅乃入者下記云士既旅不入明未旅間皆得入是以前旅而射其士皆在也知卿大夫士非鄉人禮亦然者以其同是卿大夫士禮無異故也但異鄉不助主人樂賓

為別也

主人降注迎大夫於門內也不出門別於賓音

義

別彼列反疏

注釋曰鄭知迎大夫於門內者以其上文大夫入門左此經直云主人降不云出故知迎

大夫於門內可知

賓及衆賓皆降復初位注不敢居堂俟大夫

入也初位門內東面疏

注釋曰知初位門內東面者上文賓厭衆賓皆入門左東面北

上故知也

主人揖讓以大夫升拜至大夫答拜主人以爵降

大夫降主人辭降大夫辭洗如賓禮席於尊東注尊東

明與賓夾尊也不言東上統於尊也疏

注釋曰上云尊於賓席之東則

賓在尊西今大夫言席於尊東明與賓夾尊可知云不言東上統於尊也者席於尊東繼尊而言又不言東上

西上是以下云大夫降席東南而降由上故知西上統於尊也

升不拜洗主人實爵席

前獻于大夫大夫西階上拜進受爵反位主人大夫之
右拜送大夫辭加席主人對不去加席注辭之者謙不
以已尊加賢者也不去者大夫再重席正也賓一重席

音義

去起呂反重直容反下皆同

疏

釋曰云升不拜洗者以大夫尊故不拜洗也云反位者大夫反

西階上位云主人大夫之右拜送者謂在大夫之東拜送爵也注釋曰云辭之者謙不敢以已尊加賢者鄉射之禮鄉人為賓下記云若大夫與則以公士為賓亦選賢者為之故辭加席又不以已尊加賢者也云不去者大夫再重席正也者鄉飲酒云公三重大夫再重故知大夫再重席禮之正也云賓一重席者鄉人故一重縱公士為賓亦一重也
乃薦脯醢大夫升席設折俎祭如賓禮不齊

肺不啐酒不告旨西階上卒爵拜主人答拜注凡所不

者殺於賓也大夫升席由東方疏

注釋曰云凡所謂經中三事以其殺於賓

若然上云不拜洗亦是殺於賓之類也云大夫升席由東方者以其大夫席西上升由下故知大夫升席由東

也方○大夫降洗注將酢主人也大夫若衆則辯獻長乃

酢疏

釋曰自此至皆升就席論大夫酢主人訖賓主皆升就席之事知大夫若衆則辯獻長乃酢者此經

據一大夫而言故獻大夫即酢案有司徹主人洗爵獻長賓于西階上然後衆賓長升拜受爵宰夫贊主人酌若是以辯乃升長賓主人酌酢於長賓西階上北面賓在左注云主人酌自酢序賓意賓卑不敢酢賓尸與凡卑飲酒禮同可以相參

主人復阼階降辭如初卒洗主

示是辯獻長乃酢也

人盥注盥者雖將酌自飲尊大夫不敢褻疏

注釋曰云盥者雖將

酌自飲者以其下文大夫洗爵升授主人爵是主人酌以自酢故云雖將酌自飲云不敢褻者決有司徹主人自酌不盥是此為尊大夫揖讓升大夫授主人爵于兩楹夫雖自酢亦不敢褻也

間復位主人實爵以酢于西階上坐奠爵拜大夫答拜

坐祭卒爵拜大夫答拜主人坐奠爵于西楹南再拜崇

酒大夫答拜主人復阼階揖降注將升賓疏

釋曰云主人坐奠爵

於西楹南者前獻賓賓酢主人主人飲酢訖奠爵於東序端將後獻衆賓不得奠於筮中此受大夫酢不奠于筮者為士於旅乃入擬獻士故奠爵于此也

大夫降立于賓南注雖尊不奪

人之正禮疏

注釋曰大夫尊在堂則席之于尊東特尊之今降而在賓下者欲使賓主相對行禮

若在其北則妨賓主揖讓之正禮故云不奪人之正禮

主人揖讓以賓升大夫及

衆賓皆升就席○席工于西階上少東樂正先升北面

立于其西注言少東者明樂正西側階不欲大東辟射

位音義

大音泰

疏

釋曰自此至告于賓論作樂之事云席工者謂為工設席下文乃升席也注釋

曰云言少東者明樂正西側階者既言席工于西階上少東則在西階東矣復云樂正立于其西則近席西其言從近故知樂正側近西階東則不欲大東辟射位大射亦同此注燕禮注亦然者燕亦容有射法鄉飲酒工位與此同注不言者不射故也工四人二瑟瑟先相者皆左何瑟面鼓

執越內弦右手相入升自西階北面東上工坐相者坐授瑟乃降注瑟先賤者先就事也相扶工也面前也鼓在前變於君也執越內弦右手相由便也越瑟下孔所以發越其聲也前越言執者內有弦結手入之淺也相者降立西方音義

相息亮反何胡可反

疏

釋曰云工四人二瑟則是二人歌可知經不言

相歌二人者以其空相亦與相瑟者同故不言直言瑟之難者也注釋曰云瑟先賤者先就事也者案大射大師少師歌衆工瑟是知瑟者賤也凡工者皆先瑟後歌是賤者先即事故序亦在前若然得獻亦在前以隨其先後而取之故也云鼓在前變於君也者鄉射與大射相對大射君禮而後首此臣禮前首故云變於君燕禮

與鄉飲酒相對是以燕禮面鼓又與鄉飲酒後首相變
云執越內弦右手相者案鄉飲酒注云內弦側擔之者
據瑟體而言燕禮注云內弦弦為主者據弦體而說此
言內弦右手相由便語異義同也云前越言執者內有
弦結手入之淺也者瑟體首寬尾狹內越孔雖長廣狹
亦等但弦居瑟上近首鼓處則寬近尾不鼓處則狹側
持之法近鼓持之手入則淺近尾持之手入則深是以
通與燕禮言面鼓則云執之手入淺也大射與鄉飲酒
言後首則云擗越手入深故也云相者降立西方者其
相者是弟子位在西者是以下文云樂正適西方命弟
子贊工遷樂於下故知此相工
是弟子故降立還於西方也

笙入立于縣中西面注

堂下樂相從也縣中磬東立西面音義

懸縣

音疏

注釋曰云堂下

樂相從也者案上文云縣于洗東北西面此云立于縣
中明是堂下相從皆在東方也云縣中磬東立西面者

謂在磬東當磬之東鄭知不在磬西西面者若磬
西西面則笙者背磬不可故知在磬東西面也

乃合

樂周南關雎葛覃卷耳召南鵲巢采芣苢注不歌不

笙不閒志在射略於樂也不略合樂者周南召南之風

鄉樂也不可略其正也昔大王王季文王始居岐山之

陽躬行以成王業至三分天下乃宣周南召南之化本

其德之初刑于寡妻至于兄弟以御于家邦故謂之鄉

樂用之房中以及朝廷饗燕鄉射飲酒此六篇其風化

之原也是以合金石絲竹而歌之音義

合如字劉音閣
閒閒廁之閒大

音疏釋曰言乃者以其作樂之法先歌後乃合樂今不
泰歌不笙不閒唯合樂故言乃以見非常故也注釋

曰據鄉飲酒燕禮作樂有四節今不歌不笙不閒唯有
合樂故云志在射略於樂也云合樂者周南召南之風
鄉樂也者上注已云頌及大雅天子樂小雅諸侯樂此
二南卿大夫樂但鄉飲酒鄉射是大夫士為主故大
夫士樂為鄉樂者也云不可略其正也者二南是大夫
士之鄉樂已之正樂故云不可略其正者也云昔太王
已下於鄉飲酒注已說義具於彼此注略言之耳若然
者燕禮與鄉飲酒文同注又與燕禮不異者以其鄉射
與鄉飲酒同是大夫士禮卿大夫士行射禮先行鄉飲
酒禮鄉飲酒與鄉射自為首尾故鄉飲酒注具於此略
言燕禮是諸侯禮天子諸侯射先行燕禮則燕禮與大
射自為首尾是以燕禮歌笙間合鄭亦具注之大射又
略言之也

工不興告于樂正曰正歌備注不興者瞽矇禮略

也音義

蒙 瞽音

疏

釋曰

言正歌者升歌也升歌鹿鳴是上

也言備者凡作樂皆三終此備明亦三終也注釋曰云

不興者瞽瞽禮略也者以工告樂正以卑告尊當興今

以瞽瞽無目不可責其備

樂正告于賓乃降注樂正降

者堂上正樂畢也降立西階東北面疏

注釋曰言告于賓者作樂主為

樂賓今歌備故告賓言歌備也言樂正降者堂上正樂

畢也者以其鄉飲酒燕禮但升歌笙閒合樂皆是正歌

今略去升歌笙閒三者唯有合樂於堂上故云堂上正

樂畢也云正樂者對後無算樂非正樂也下射雖歌騶

虞亦是堂下非堂上故以堂上決之也云降立西階東

北面者此無正文約堂上樂正位在西階東北面今降

亦當在西階

主人取爵于上篚獻工大師則為之洗注

尊之也君賜大夫樂又從之以其人謂之大師也音義

為于疏

注釋曰自此至反升就席論主人獻工笙之事但天子諸侯官備有大師少師瞽人作樂之長

大夫士官不備不合有大師君有賜大夫士樂器之法故春秋左氏云晉侯歌鍾二肆取半以賜魏絳魏絳於是乎始有金石之樂禮也時以樂人賜之故鄭云君賜大夫樂又從之以其人謂之大師也

賓降主

人辭降注大夫不降尊也疏

注釋曰云大夫不降尊也者此賓降大夫若降直與

賓共文今不言大夫降鄉飲酒亦云賓降不言大夫降明大夫皆不降以其尊故也

工不辭洗卒

洗升實爵工不興左瑟一人拜受爵注左瑟辟主人授

爵也一人無大師則工之長者疏

注釋曰此言工不辭洗及一人拜受爵皆

上大師也不言大師言工一人者欲見有大師則大師不辭洗拜受爵若無大師則凡工不辭洗拜受爵故變言工與一人假令大師左瑟先獻若歌則後獻亦先獻工一人是以鄭云一人無大師則工之長者以鄉飲酒獻工時云一人不興受爵注云一人工之長者也大師為歌者未得獻先獻瑟工之長者也

主人阼

階上拜送爵薦脯醢使人相祭注人相者音義

相息亮反疏

注釋曰云人相者則弟子相之既相工明祭亦相之可知

工飲不拜既爵授主人爵

衆工不拜受爵祭飲辯有脯醢不祭注祭飲不興受爵

坐祭坐飲疏

釋曰云工飲不拜既爵者還是上一人拜受爵者雖不拜既爵仍拜受也下衆工又

對上一人拜受爵衆工不拜受爵也注釋曰云祭飲不興受爵坐祭坐飲者對上賓主坐祭立飲故云坐祭坐

飲亦不拜既爵可知也

不洗遂獻笙于西階上注不洗者賤也衆

工而不洗矣而衆笙不洗者笙賤於衆工正君賜之猶

不洗也疏

注釋曰云衆工而不洗矣而衆笙不洗者笙賤於衆工正君賜之猶不洗也鄭云此者欲

見工在上貴君賜之大師為之洗笙賤位在下使正君賜之笙人猶不為之洗況衆笙乎欲取賜笙人不為之洗之意不取衆笙不為洗也

笙一人拜于下盡階不升堂受爵主人

拜送爵階前坐祭立飲不拜既爵升授主人爵衆笙不

拜受爵坐祭立飲辯有脯醢不祭主人以爵降奠于篚

疏

釋曰此經總獻笙人雖賤中亦有尊卑故一疏人升階受爵餘者不升不拜既爵則同也

反升就

席注亦揖讓以賓升衆賓皆升疏

注釋曰云亦揖讓以賓升衆賓皆升者謂

亦前大夫若有尊者則入門左主人降賓及衆賓皆降主人共大夫行禮訖主人揖讓以賓升大夫及衆賓皆升就席相似故云亦若然上賓降時雖不言

○主人降

席自南方注禮殺由便疏

注釋曰自此盡未旅論立司正之事也云禮殺由便者對

上大主人受酢爵時禮盛故主人降席自北方啐酒於席末亦然今此立司正禮殺故降席自南方故云禮殺由便

側降注賓不從降疏

注釋曰側降猶特降故云賓不從降也

作相為

司正司正禮辭許諾主人再拜司正答拜注爵備樂畢

將留賓以事為有懈倦失禮立司正以監之察儀法也

詩云既立之監或佐之史音義

懈古責反
監古咸反

疏

注釋曰云
爵備者謂

賓及衆賓與遵者并工笙竽得獻是爵備也云樂畢者合樂訖是樂畢以無歌笙與閒故不言樂成而云畢而已也云將留賓以事者下有射事射訖行旅無算之事故須立司正以監之但中間為射變司正為司馬射訖反為司正以監察儀法也引詩者主人升就席○司正證監與正為一物皆察儀法也

洗觶升自西階由楹內適阼階上北面受命于主人注

洗觶者當酌以表其位顯其事也楹內楹北疏

釋曰云
受命于

主人者謂受主人請安賓之命是以下云請安于賓鄭注云傳主人之命也

西階上北面請

安于賓注傳主人之命賓禮辭許司正告于主人遂立

于楹間以相拜注相謂贊主人及賓相拜之辭主人阼
階上再拜賓西階上答再拜皆揖就席注為已安也今
文揖為升司正實觶降自西階中庭北面坐奠觶興退

少立注奠觶表其位也少立自脩正慎其位也古文曰

少退立疏

釋曰此云北面坐奠觶鄉飲酒亦然者此二者皆臣禮故北面奠觶燕禮大射皆司正南

面奠觶者彼是君禮欲取還不背君故南面奠觶故大射云南面坐奠觶興與右還北面少立坐取觶興坐不祭卒觶奠之興再拜稽首左還南面坐取觶洗南面反奠於其所北面立注云皆所以自昭明於衆也將於觶南北面則右還於觶北南面則左還如是得從觶西往來也必從觶西往來者為君在阼不背之也又取威儀多

此及鄉飲酒在阼非君直北面奠觶又威儀簡故也

進坐取觶興反坐不祭遂卒

觶興坐奠觶拜執觶興洗北面坐奠于其所注今文坐

取觶無進又曰坐奠之拜興少退北面立于觶南注立

觶南亦其故擯位疏

注釋曰云立觶南亦其故擯位者案上未有擯位此云擯位者案射

禮云擯者退中庭是擯者在中庭有位燕禮大射皆擯者為司正則此鄉射及鄉飲酒云作相為司正相即擯者也故知觶南者中庭故擯位也未旅注旅序也未以次序相酬以將

射也旅則禮終也疏

注釋曰旅衆也而言序者謂衆以次序相酬必於未旅而射者旅則

醉禮終恐不得射故於未旅而射也此大夫士禮將射先行鄉飲酒後行旅酬而已故射前未旅而射後乃始

行旅酬燕禮大射國君禮故先行燕禮雖行一獻以其
辨尊卑故行四舉旅大射主為射故再獻訖即射燕禮
主為燕故三舉旅乃○三耦俟于堂西南面東上注司
射彼皆與此不同也

正既立司射選弟子之中德行道藝之高者以為三耦

使俟事於此疏

注釋曰自此已下盡樂正北面立於其南論三番射事鄭知司正既立司射即

選弟子之中為三耦俟事於此者經云俟於堂西明此時始選故知既立司正司射乃選弟子俟事於此也故

記云三耦者使弟子司射前戒之注云弟子賓黨之少者也前戒謂先射請戒之

司射適堂西

袒決遂取弓于階西兼挾乘矢升自西階階上北面告

于賓曰弓矢既具有司請射注司射主人之吏也於堂

西袒決遂者主人無次隱蔽而已袒左免冠也決猶闔也
以象骨為之著右大擘指以鈎弦闔體也遂射韝也
以韋為之所以遂弦者也其非射時則謂之拾拾欽也
所以蔽膚欽衣也方持弦矢曰挾乘矢四矢也大射曰
挾乘矢於弓外見鏃於附右巨指鈎弦古文挾皆作接

音義

袒徒旱反決古穴反挾音協一音子協反乘繩證
反闔音開著丁略反又直略反擘補革反韝古侯

反見賢遍反鏃子木反

疏

釋曰云司射取弓於階西兼
挾乘矢者以其司射之弓矢

又七木反附芳甫反

豫陳於西階故司射於堂西袒決遂訖即取弓矢於階
西是以下記云司射之弓矢與扑倚於西階之西是也

云有司請射者此有司謂司馬故大射云司射自阼階
前曰為政請射注為政謂司馬司馬政官主射禮諸侯
之州長無司馬官直言有司請射以比司馬也注釋曰
云司射主人之吏也者大射諸侯禮有大射正為長射
人次之司射又次之小射正又次之皆是士為之則此
大夫士禮不得用士故知是主人之吏為之可知云於
堂西袒決遂者主人無次隱蔽而已者此對大射人君
禮有次在東方不須適堂西也云袒左免衣也知袒左
者凡事無問吉凶皆袒左是以士喪主人左袒此及大
射亦皆袒左不以吉凶相反唯有受刑袒右故覲禮云
乃右肉袒於廟門之東注云右肉袒者刑宜施於右是
也云決猶闔也以象骨為之者大射注亦然案繕人云
掌王之用弓弩矢箠繒弋決拾鄭注云士喪禮決用正
王棘若擇棘則天子用象骨與無正文故引士喪禮又
言與以疑之若然諸侯及大夫生用象死用棘天子無
問死生皆用象者蓋取其滑也云著右大擘指以鈎弦

閏體也知者以右巨指鉤弦故知著於右大擘指也以
右擘著極是以大射云朱極三注云以朱韋為之三者
食指將指無名指是也云遂射韋也以韋為之以遂弦
者也者大射注亦云遂射韋也以朱韋為之著左臂所
以遂弦也云其非射時則謂之拾拾欽也所以蔽膚欽
衣也者此篇及大射將射云袒決遂射訖則云說決拾
於公雖射亦謂之拾故大射云公就物小射正奉決拾
以筈大射正執弓皆以從於物彼亦臨時而云拾以公
射袒朱襦言拾以見欽衣故變文以見義也云所以蔽
膚斂衣也者言蔽膚據士斂衣據大夫已上是以下記
大夫與士射袒纁襦燕禮記云君射袒朱襦若對君大
夫亦與士同亦蔽膚也云方持弦矢曰挾知者下記云
凡挾矢於二指之間橫之是言其方可引大射挾垂
矢於弓外見鏃於肘是其方也若側持弓矢則名執故
下文云司射猶袒決遂左執弓右執一個兼諸弦面鏃
注云側持弓矢曰執面猶尚也并矢於弦尚其鏃是也

云乘矢四矢也者下云司射搢三挾一个又詩云四矢反兮是四矢曰乘凡物四皆曰乘也引大射者欲見挾為方持
賓對曰某不能為二三子許諾注言某不能謙

也二三子謂衆賓已下音義

為于偽反**疏**注釋曰二三子謂衆賓已下者謂除

三耦之外通射者而言故云謂衆賓已下也若然投壺禮賓固辭乃許者彼因燕而為之再辭乃許此為衆習禮不專為已故一辭即許大射不請者彼為擇士而射故不須云許直告射節而已此為衆庶習禮故云為二三子許諾亦
司射適阼階上東北面告于主人曰請射

于賓賓許○司射降自西階階前西面命弟子納射器

注弟子賓黨之年少者也納內也射器弓矢決拾旌中

籌福豐也賓黨東面主人之吏西面音義

少申召反

疏

釋曰鄭知弟子是賓黨之年少者以其賓黨西方東面今以西面命之明是賓黨是以鄭云賓黨東面主人之吏西面也言弟子故知少者知射器弓矢以下者竝案下文所陳用者知之也云賓黨東面主人之吏西面者案投壺賓黨及主黨皆為弟子皆得與投壺者彼燕法主歡心故皆與今此射與鄉人習禮鄉飲酒同故賓黨主黨皆不與也乃納射器皆在堂西賓與大夫之弓倚于西序

矢在弓下北括衆弓倚于堂西矢在其上注上堂西廉

矢亦北括音義

倚於綺反疏釋曰云賓與大夫之弓倚括古活反於西序矢在弓下北括衆

弓倚於堂西矢在其上者以其序在堂上故矢在弓下堂西矢在堂上其弓在堂下隨其所宜而已注釋曰云

上堂西廡者以其在堂西故矢在上者還在堂上之廡
稜也云矢亦北括者其在堂上西序者北括故知堂下
者於上亦主人之弓矢在東序東注亦倚于東序也矢
北括也

在其下北括疏

注釋曰上賓大夫弓矢在西序矢在弓下北括此主人弓矢如上也

○司

射不釋弓矢遂以比三耦於堂西三耦之南北面命上

射曰某御於子命下射曰子與某子射注比選次其才

相近者也古文曰某從於子音義

比毗志反近附近之近

疏

釋曰言遂

以者司射因上階前令弟子納射器不釋弓矢遂比三
耦因曰遂故云遂以也注釋曰云比選次其才相近者
也者才雖各自用乃因選其力相近為宜也

○司正為司馬注兼官由便也

立司正為涖酒爾今射司正無事疏

注釋曰言兼官者若以諸侯對大夫

大夫兼官諸侯具官持以諸侯對天子天子具官諸侯兼官各有所對故云兼官云由便也者俟司正為司馬不煩餘官也案射義云孔子射於矍相之圃射至於司馬使子路執弓矢出延射又使公罔之裘序點揚觶而語但此篇是州長春秋習射法兼有鄉大夫三年貢士之後以五物詢衆庶射於庠鄉大夫五物詢衆庶而引孔子射於矍相之事則孔子魯之鄉大夫也以其天子鄉大夫卿為之諸侯鄉大夫使下大夫為之是其差也但鄉飲酒之禮二人舉觶為無算爵據此篇未旅先射射訖行旅酬酬訖賓使二人舉觶為無算爵未射時詢衆庶得使公罔之裘序點二人揚觶者揚觶實在射後一酬訖始行之今孔子詢衆庶之時偕取無算爵時於旅也語故使公罔之裘序點二人揚觶以詢衆庶此篇司射恒執弓矢子路亦執弓矢則子路為司射也射於

矍相時云射至司馬此文又云司正為司馬則使子路詢衆庶時當此節也

司馬命張侯弟

子說東遂繫左下網注事至也今文說皆作稅音義

吐說

活反又疏注釋曰上張侯時不繫左下網中掩束之人始銳反弟子說其束下致地遂繫左下網於植事至

也故司馬又命獲者倚旌于侯中注為當負侯也獲者亦

弟子也謂之獲者以事名之疏

注釋曰案下記云司馬階前命張侯遂命倚旌

以記言之司馬命張侯與命倚旌其事相因故云遂明同是西階前也云為當負侯也者下云司馬命獲者執旌以負侯是也知獲者亦弟子者堂下位主人之黨在東賓弟子在西下云獲者由西方坐取旌倚于侯中言由西方是賓黨弟子可知亦亦上張侯者也獲者由西方也云以事名之者以其唱獲故名獲者也

坐取旌倚于戾中乃退○樂正適西方命弟子贊工遷

樂于下注當辟射也贊佐也遷徙也音義

辟音避

弟子相

工如初入降自西階阼階下之東南堂前三筭西面北

上坐注筭矢幹也今文無南音義

相息亮反筭古老反幹古但反

疏

釋曰

言如初入者亦如上升堂時相者亦左何瑟面鼓內弦右手相如入升時也注釋曰云筭矢幹也者案矢人注

矢幹長三尺是去堂九尺也

樂正北面立于其南注北面鄉堂不與

工序也音義

鄉許亮反

疏

注釋曰云不與工序也者工西面北上以南北為序樂正北面則東

西為列故云不與工序也

○司射猶挾乘矢以命三耦各與其耦讓

取弓矢拾注猶有故之辭拾更也音義

拾其劫反除決拾之外皆同更

音疏

釋曰自此盡取扑搥之以反位論司射誘射教三耦射法之事大射有次三耦取弓矢於次注云取

弓矢不捨者次中隱蔽處則此無次取弓矢拾也拾更也遞取弓矢見威儀故也注釋曰云猶有故之辭者前已云司射兼挾乘矢此云猶是有故之辭云此者欲見司射恒執弓矢未改之意

三耦皆袒決

遂有司左執弣右執弦而授弓注有司弟子納射器者

也凡納射器者皆執以俟事疏

注釋曰前有司請射解為司馬此有司為弟子

者以有事者皆有司故鄭注解上有司請射與大射為政請射同故解為司馬此經以納射器使弟子不見出文則弟子執射器入者即使守之以授用者故知有司還是弟子是以鄭云凡納射器者皆執以俟事

遂

授矢注受於納矢而授之疏

注釋曰此授矢者則上文有司授弓者以其弟子執

弓矢故授弓訖復授矢是以鄭云受於納矢而授之

三耦皆執弓搯三而挾一个

注未違俟處也搯插也插於帶右音義

插初洽疏注釋反下同曰上

云三耦俟於堂西又云遂以此三耦於堂西此云三耦皆執弓搯三而挾一个前後皆用前位乃未違俟處下文乃云三耦皆進由司射之西立於其西南東面北上
是移本位者也云搯插也插於帶右者以其左手執弓
右手抽矢而射故知插於帶
右故詩云左旋右抽是也
司射先立于所設中之西

南東面三耦皆進由司射之西立於其西南東面北上
而俟○司射東面立于三耦之北搯三而挾一个注為

當誘射也固東面矣復言之者明卻時還音義

復扶又反下復

言疏

注釋曰云固東面矣復言之者明卻時還者司射先在中西南東面今三耦立定司射卻來向三耦

之北東面明司射卻時右還西南東面也

揖進當階北面揖及階揖升堂揖

豫則鉤楹內堂則由楹外當左物北面揖注鉤楹繞楹

而東也序無室可以深也周立四代之學於國而又以

有虞氏之庠為鄉學鄉飲酒義曰主人迎賓於庠門外

是也庠之制有堂有室也今言豫者謂州學也讀如成

周宣榭災之榭周禮作序凡屋無室曰榭宣從榭州立

榭者下鄉也左物下物也今文豫為序序乃夏后氏之

學亦非也音義

豫音榭出注下遐嫁反

疏

釋曰凡行射禮耦耦各相對揖故司射誘射發

東面位揖進當西階北面揖及階揖升堂揖訖東行向
兩楹間物須過兩楹是以豫則鉤楹內北過以記云序
則物當棟物近北故過由楹北也堂則由楹外過而東
行以記云堂則物當楹物近南故過由楹南也云當左
物者以南面為正東為左物北面又揖也注釋曰云鉤
楹繞楹而東也者北而東也云序無室可以深也者據
州立序而言云周立四代之學於國者案王制云有虞
氏上庠下庠夏后氏東序西序殷人左學右學周人東
膠虞庠周立四代者通己為四代也但質家貴右故虞
殷大學在西郊小學在國中文字家貴左故夏周大學在
國中王宮之東小學在西郊周所立前代學者立虞夏
殷三代大學若然立虞氏上庠則周之小學為有虞氏

之庠制在西郊也立殷之右學則瞽宗周立之亦在西郊立夏后氏之東序則周之東膠立在王宮之東以其改東序為東膠東膠兼二代名故云周立四代學文王世子亦論四代學中學樂之事云而又以有虞氏之庠為鄉學者與周立虞庠同制故引鄉飲酒義為證鄉立庠之義也云庠之制有堂有室也者則此篇云堂則由楹外又記云堂則物當楹是也論語云由也升堂矣未入於室室堂相將有室必有堂言此者見庠則室堂俱有對榭則有堂無室也云今言豫者謂州學也者周禮地官州長職云春秋以禮會民而射于序是也云讀如成周宣榭災之榭者案宣公十六年經書成周宣榭火彼雖不據學以其無室與爾雅無室曰榭同故引以為證也云周禮作序者據州長職文云凡屋無室曰榭室從榭者鄭廣解榭名爾雅云閭為之臺有木者謂之榭又成周宣榭及此州立榭皆是無室故云凡以該之不得從豫及序故云室從榭也云州立榭者下鄉也者以

其鄉之庠有室有堂州榘則有堂無室故云下鄉也云
今文豫為序序乃夏后氏之學亦非也不從今文者以
其虞庠夏序皆是有室州之序則無室故云非言亦者
古文為豫已非今文作夏后氏之序亦非若然禮記學
記及州長職并下記皆作序鄭不破之者以鄉立虞庠
依虞有室州立夏序去室猶取序名是以鄭注州長云
序周黨之學也故不破之也

及物揖左足履物不方足還視侯中俯

正足注方猶併也志在於射左足至右足還併足則是

立也南面視侯之中乃俯視併正其足音義

併步
項反疏注

曰云志在於射者解足未正先視侯中之意言左足至
者解左足履物也右足還併足則是立也者解經不方
足還及正足之言若然云還時無視侯中也此不言畫
物早晚案大射納射器之下即言工人士與梓人升自

北階兩楹間疏數容弓若丹若墨度尺而午此
不言者卑者文略亦當在納射器後即畫之也
不去旌

注以其不獲音義

去起

疏

注釋曰以其旌擬唱獲今以呂反為三耦誘射不唱獲故不去

旌也誘射注誘猶教也將乘矢注將行也行四矢象有事

於四方疏

注釋曰云象有事於四方者詩云四矢反弓以御亂兮是四矢有事於四方

執弓

不挾右執弦注不挾矢盡疏

注釋曰案上文司射將射時云搢三而挾一个又云

將乘矢故知矢盡空執弦也

南面揖揖如升射降出于其位南適堂

西改取一个挾之注改更也不射而挾之示有事也今

文曰適序西疏

釋曰云出于其位南適堂西者上文司射位設于所設中之西南東面今乃適

位南而北迴適堂西者取教衆耦威儀之法故也云改
取一个挾之者此不在西階而在堂西故適堂西即云
改取一个也
遂適階西取扑搯之以反位注扑所以撻犯教

者書云扑作教刑音義

撻他達反

疏

注釋曰引書者舜典文也彼謂教學之刑此為

教射法教雖不同用扑是一故引為證也

○司馬命獲者執旌以負侯注欲

令射者見侯與旌深有志於中音義

令力呈反中丁仲反

疏

釋曰自此

畫搯扑論三耦為第一番射法注釋曰云欲令射者見
侯與旌深有志於中者凡射主欲中侯使獲者舉旌唱
獲以是豫使見之
獲者適侯執旌負侯而侯注侯待也
望深有志於中也

今文侯為立疏

釋曰侯待也而待者謂侍司馬命去侯

司射還當上耦西

面作上耦射注還左還也作使也疏

注釋曰知左還者經云還當上耦上

耦位在司射之西南東南面司射還欲西面與上耦相當故知左還迴身當之取便可知也

司射反位

上耦揖進上射在左竝行當階北面揖及階揖上射先

升三等下射從之中等注中猶閒也音義

閒閒側之閒

疏

釋曰

云司射反位者反中西南東南面位也

上射升堂少左下射升上射揖竝行

注竝併也併東行疏

注釋曰知竝行併東行者以其既言升乃言竝行故知併東行向物

也云少左者言上射先升少左避下射升階也

皆當其物北面揖及物揖皆左

足履物還視侯中合足而俟疏

釋曰皆左足履物者謂先以左足履物東頭合

足而俟俟司馬命去俟

○司馬適堂西不決遂袒執弓注不決遂

因不射不備疏

注釋曰云因不射不備此決司射誘射行事袒即決遂執弓挾矢今司馬不射

故不備直袒而已也若然大射司馬正不射而袒又復決遂者彼大射志於射故司馬正雖不射而袒復決遂以其不為射仍不挾矢也出于司射之南升自西階鉤楹由上射之

後西南面立于物閒右執簫南揚弓命去侯注鉤楹以

當由上射者之後也簫弓末也大射曰左執弣揚猶舉

也疏

注釋曰鉤楹者於西楹西而北東行過由上射之後乃西南面立于物閒者欲取南揚弓向侯便故

也右執簫者不可一手揚弓故引大射曰左手執弣左當卻手則右執簫者右當覆手也獲者執旌

許諾聲不絕以至于乏坐東面偃旌興而俟注聲不絕

不以宮商不絕而已鄉射威儀省偃猶仆也音義

省所景反

仆音

疏釋曰云而俟者待射者發矢當坐故下云獲者

赴

坐而獲也

注釋曰云鄉射威儀省者決大射云

負侯皆許諾以宮趨直西及乏南又諾以商至乏聲止

是其唱諾為宮商是其威儀多此不者威儀省故也

司馬出于下射之南還其後降自西階反由司射之南

適堂西釋弓襲反位立于司射之南注圍下射者明為

二人命去侯音義

還劉戶串反一音環

疏

注釋曰司馬由上射之後立於物閒命去侯訖

物閒南行西向適階降是其順矣今命去侯訖乃圍下射之後繞下射之東南行而適西階者若出物閒西行

則似直為上射命去侯是以并下射圍遠之明為二人命去侯也

司射進與司馬交于

階前相左由堂下西階之東北面視上射命曰無射獲

無獵獲上射揖司射退反位注射獲謂矢中人也獵矢

從傍音義

無射之射食亦反傍蒲郎反或作旁疏釋曰云交於階前相左

於階前相左乃云由堂下西階之東北面則相左之時在西階之西司馬由北而西行司射由南而東行各以左相近故云相左也司射既不升堂不得以司射向北司馬向南而相左也注釋曰云射獲謂矢中人也者人謂獲者亦以事名云獵○乃射上射既發挾弓矢而后矢從傍者謂從乏傍也

下射射拾發以將乘矢注后後也當從后疏

注釋曰引孝經說取

孝經緯援神契文彼說孝經云然後能保其社稷之獲等皆作后后者後也故不從古文後是以云當從后

者坐而獲注射者中則大言獲獲得也射講武田之類

是以中為獲也疏

釋曰此未釋算故下經云獲而未釋獲鄭云但大言獲未釋其算是也注

釋曰云獲得也射講武田之類是以中為獲也者詩云舍拔則獲謂射著禽獸為獲獲則得也戰伐得囚俘亦曰獲射著正鵠亦曰獲但舉旌以舉旌以宮偃旌以商

注宮為君商為臣聲和律呂相生疏

注釋曰宮為君商為臣禮記樂記文

宮數八十一聲最濁故為君配中央土商數七十二次君故為臣配西方金云聲和律呂相生者以其以黃鍾之初九下生林鍾之初六林鍾又上生大簇之九二初九與九二雖非以次相生大簇亦由黃鍾所生故云聲

和由律呂相生故舉旌以宮
偃旌以商不取其餘律呂也
獲而未釋獲注但大言獲

未釋其算卒射皆執弓不挾南面揖揖如升射注不挾

亦右執弦如司射上射降三等下射少右從之中等並

行上射於左注降下疏

釋曰此上射下射升與降階上射為先又上射升降皆在左

與升射者相左交于階前相揖由司馬之南適堂西釋

弓說決拾襲而俟于堂西南面東上三耦卒射亦如之

音義

說吐活反又始銳反

○司射去扑倚于西階之西升堂北面

告于賓曰三耦卒射注去扑乃升不敢佩刑器即尊者

之側疏

注釋曰云不敢佩刑器即尊者之側者此司射將升堂即賓前故去扑於階西乃升是不敢佩

刑器即於尊者之側也大射司射去扑倚於階西適阼階下北面告於公曰三耦卒射不升堂亦去扑者國君

尊雖堂下亦去扑也

賓揖注以揖然之疏

注釋曰大射司射告公三耦卒射不見公揖然

之者公尊故也

司射降搢扑反位○司馬適堂西袒執弓由其

位南進與司射交于階前相左升自西階鉤楹自右物

之後立于物閒西南面揖弓命取矢注揖推之也疏

釋曰

自此盡加於福論三耦射訖取矢之事注釋曰推手曰揖引手曰厭故周禮司儀天揖時揖土揖鄭注皆以推手解之是以推手為揖但揖弓者向侯而推之以其命取矢故也揚弓者向之而揚之以其命去侯故也獲

者執旌許諾聲不絕以旌負戾而俟注俟弟子取矢以

旌指教之疏

注釋曰此即下文弟子取矢委於福是也

司馬出于左物之南

還其後降自西階遂適堂前北面立于所設福之南命

弟子設福注福猶幅也所以承筭齊矢者疏

注釋曰云福猶幅也

訓福為幅者義取若布帛有邊幅整齊之意故云所以承筭齊矢即下云委於福北括又大射云既拾取矢相之注云相齊等之是其承筭也乃設福于中庭南當洗東肆注東肆統

於賓疏

釋曰此弟子設福之時司馬教之故大射云小臣師設福司馬正東面以弓為畢鄭注云畢所

以教助執事者明此亦然注釋曰云東肆統於賓者然則福有首尾故下記云福長如筭博二寸厚寸有半龍

首鄭注云兩端為龍首若然則有首無尾
而言西上者應有刻飾記之為首尾也

司馬由司射

之南退釋弓于堂西襲反位弟子取矢北面坐委于楅

北括乃退司馬襲進當楅南北面坐左右撫矢而乘之

注撫拊之也就委矢左右手撫而四四數分之也上既

言襲矣復言之者嫌有事即袒也凡事升堂乃袒音義

乘成證反拊芳甫反

疏

釋曰云司射之南退釋弓者司

數所主反下俟數同

馬注堂西釋弓還依三耦所行

之處亦取威儀進止之事故曰司射之南也云委矢於

楅北括者順射時矢南行故也注釋曰云撫拊之也者

言撫者撫拍之義言拊者取拊近之理故轉從拊也云

就委矢左右手撫而四四數分之也者謂司馬北面就

所委矢之南以右手撫四矢於東以左手撫四矢於西是四四數而分之也云上既言襲矣復言之者嫌有事即袒也者案上文命弟子設楅退時已襲今復言襲進者嫌有事則袒故重言之也云凡事升堂乃袒者堂下雖有事亦不袒若司射不問堂上堂下有事即袒司馬與司射進行事恐同故明之也

若矢不備

則司馬又袒執弓如初升命曰取矢不索注索猶盡也

音義

索悉各反

弟子自西方應曰諾乃復求矢加于楅注增

故曰加彛獲者許諾至此弟子曰諾事同互相明音義

應應對之應復扶又

疏注釋曰上言獲者執旌許諾故曰彛獲者許諾至此弟子曰諾

反彛許亮反又作嚮

以其事同互相明也言互者獲者執旌許諾不言弟子

許諾則弟子亦許諾此直言弟子自西方應曰諾不言

獲者應諾則獲者亦應諾可知
以其事同省文故互相明之

○司射倚扑于階西升

請射于賓如初賓許諾○賓主人大夫若皆與射則遂

告于賓適阼階上告于主人主人與賓為耦注言若者

或射或否在時欲耳射者繹己之志君子務焉大夫遵

者也告賓曰主人御于子告主人曰子與賓射音義與

預疏

釋曰自此盡比衆耦辯論次番將射比衆耦之事
但射禮三而止第一番直司射與三耦誘射不釋

算第二番三耦與衆耦俱射釋算第三番兼有作樂為
射節注釋曰云言若者或射或否者以若是不定之辭
故知或射或否射者繹己之志者禮記射義文繹謂陳
己之志意也云大夫遵者也者上云大夫有遵者是也

故與賓主同在任情之限云告賓曰主人御于子告主人曰子與賓射此約下大夫與士射之辭以賓比大夫以主人比士
尊賓之義也遂告于大夫大夫雖衆皆與士為耦告于

大夫曰某御于子注大夫皆與士為耦謙也來觀禮同爵自相與耦則嫌自尊別也大夫為下射而云御于子

尊大夫也士謂衆賓之在下者及羣士來觀禮者也禮

一命已下齒於鄉里音義

列別

疏

注釋曰云大夫為下射而云御於子尊大

夫也者上命三耦云命上射曰某御於子命下射曰子與某子射今命大夫云某御於子與上射同者尊大夫也大夫雖為下射其辭不與下射同也云士謂衆賓之在下者言衆賓則與賓俱來者也下記云大夫與則公

士為賓鄭注云公士在官之士則衆賓之內亦有士矣
與賓俱至則得主人之所命者也其將射而至者非主
人之所命直來觀禮者也但是一命已下莫問先後而
至皆齒於堂下故鄭總云士謂衆賓之在下者及羣士
來觀禮者也云禮一命已下齒於鄉里者周禮黨正十
月行正齒位之禮云一命齒於鄉里再命齒於父族三
命不齒案鄉飲酒注云此篇無正齒位之事則鄉射先
行鄉飲酒之禮亦無正齒位之法而云一命以下齒於
鄉里者鄉飲酒鄉射雖無正齒位之禮士立於下是以
一命者在下與鄉里齒是其常法諸侯之士無再命以
上若為公卿大夫自在尊東為遵也言士謂衆賓之在
下者則堂上三賓不與大夫為耦矣亦皆射故下文云
衆賓與射者
皆降是也

西階上北面作衆賓射注作使司射降搢

扑由司馬之南適堂西立比衆耦注衆耦大夫耦及衆

賓也命大夫之耦曰子與某子射其命衆耦如三耦音

義

此毗志反

疏

注釋曰云衆耦大夫耦及衆賓也者言大夫之耦唯謂堂下之士言衆賓則燕堂上三賓

故下云衆賓皆降云命大夫之耦曰子與某子射此即上文命下射之辭也云其命衆耦如三耦者上命三耦云命上射曰某御於子命下射曰子與某子射是也以其俱是士故命辭同

衆賓將與射者

皆降由司馬之南適堂西繼三耦而立東上大夫之耦

為上若有東面者則北上注言若有者大夫士來觀禮

及衆賓多無數也疏

釋曰言由司馬之南適堂西者上文司馬位在司射之南東面是也

注釋曰云多無數也者以其言若亦是不定之辭故無常數也衆賓若少以南面為正若多不受則西邊東面

北上若然大夫來在尊東為遵而此言之者
鄭總解來觀禮之義不謂大夫輒在比位也
賓主人與

大夫皆未降注言未降者見其志在射音義

見賢

疏釋曰

言未降後有降階之理故下云三耦卒射賓主人大夫
揖皆由其階降與耦俱升射也注釋曰言志在射者以
其射在於
堂上故也
司射乃比衆耦辯注衆賓射者降比之耦乃

偏音義

偏音

疏

注釋曰云衆賓射者降比之耦乃偏者
以上文司射降比衆耦下文乃云衆賓

將與射者皆降鄭恐衆賓堂上後降
者不比故兼堂上後降亦比乃偏也

○遂命三耦拾取

矢司射反位注反位者俟其袒決遂來疏

釋曰自此盡
為上論拾取

矢并衆耦皆就射位之事注釋曰云反位者俟其袒決
遂來者下文云三耦拾取矢進立於司馬之西南是也

此司射反位不言先者將欲為下番射司射堂西命三耦及衆賓皆袒決遂執弓就位司射先反位鄭注云言先三耦及衆賓羈不言先三耦未有拾取矢位無所先以此言之明言先反者對未反位之辭俱有位得言先若一有一無不得言先即此文是以下文注決此也若俱無亦得言先故上文司射比三耦於堂西云司射先立於所設中之西南東面三耦皆進由司射之西立於其西南東面北上而俟是其皆未有位亦得言先三耦拾取矢皆袒決遂執弓進立于司馬之西南注必袒

決遂者明將有射事疏

釋曰立于司馬之西南者案上司射位在中西南司馬位在司

射南今立於司馬之西南亦東面北上也注釋曰云必袒決遂者明將有射事者始取矢未有射事而袒決遂者以其取矢訖即有射故司射作上耦取矢注作之者豫著之故云將有射事也

還當上耦如作射疏

注釋曰案上文司射作射之時左還當上耦西面作上耦射今作取

矢亦如之故云還當上耦如作射

司射反位上耦揖進當楅北面揖及

楅揖注當楅楅正南之東西疏

注釋曰此上耦發位東行時一南一北竝行及

將至楅南下耦在南稍進當前楅南俱北面揖其時上射稍西下射稍東東西相當故云當楅楅正南之東西也

上射東面下射西面上射揖進坐橫弓卻手自弓下

取一个無諸弣順羽且興執弦而左還退反位東面揖

注橫弓者南踣弓也卻手由弓下取矢者以左手在弓

表右手從裏取之便也無并矢於弣當順羽既又當執

弦也順羽者手放而下備不整理也不言毋周在阼非

君周可也音義

郤去逆反踣蒲北反母亦作無同

疏

釋曰言順羽且興者謂以右手順羽

之時則興故云且興也言左還者以左手向外而西回東面揖者揖下射使取矢也注釋曰云橫弓者南踣弓也者覆左手以執弓郤右手以取矢便故知不北踣弓也云以左手在弓表者表弓背也覆手以執背故云左手在弓表云右手從裏取之便也者覆手在表執弓右手郤在裏取矢故云便也云不言毋周在阼非君周可也者案大射云左旋毋周反面揖鄭注云左還反其位毋周右還而反東面也君在阼還周則下射將背之此直云左還反位不言毋周明還周可也鄭

下射進坐橫

云下射將背之則上射亦左還毋周也

弓覆手自弓上取一个興其他如上射注覆手由弓上

取矢者以左手在弓裏右手從表取之亦便音義

覆芳反

疏

注釋曰云以左手在弓裏右手從表取之亦便者上射在西云南踣弓此不云踣弓則亦南踣弓知者以

其亦用左手執弓覆右手取矢則執弓卻左手可知既仰左手向上執弓而南踣故用右手弓上向下取矢亦

便也既拾取乘矢揖皆左還南面揖皆少進當福南皆左

還北面揖三挾一个注福南鄉當福之位疏

注釋曰云福南鄉當

福之位者上云進當福北面揖今至此位皆還北面也

揖皆左還上射於右注上

射轉居右便其反位也下射左還少南行乃西面疏

注釋

曰云上射轉居右便其反位也者此決射時升降上射皆居左彼自堂西不復庭位故也此復庭位故上射轉

在右是以鄭云便其反位也云下射左還少南行乃西面者以其初北面時東西相當今西行宜竝故下射少南行乃西面取竝行故也

與進者相左相揖反位注相左皆由進者

之北疏

注釋曰云由進者之北者以其進取矢者東行此則西行由進者之北則得相左也

三耦

拾取矢亦如之後者遂取誘射之矢兼乘矢而取之以

授有司于西方而后反位注取誘射之矢挾五个弟子

逆受於東面位之後疏

釋曰云三耦拾取矢亦如之者上耦亦在三耦之中連而言之

注釋曰云取誘射之矢挾五个者以其前拾取矢皆摺三挾一个乃反位此則先取四矢亦摺三挾一个乃并取誘射之矢兼挾之故五个也云弟子逆受於東面位之後者弟子即納射器者因留主授受於堂西西方今

見下耦將司射矢來向位仍西面弟子即往逆受之訖
下射乃反東面故云授有司於西方而后反位謂反向
東面位是以鄭亦云弟子
逆受於東面位之後也

○衆賓未拾取矢皆袒決遂

執弓搯三挾一个由堂西進繼三耦之南而立東面北

上大夫之耦為上注未猶不也衆賓不拾者未射無福

上矢也言此者嫌衆賓三耦同倫初時有射者後乃射

有拾取矢禮也疏

注釋曰云未猶不也者若言未謂此第一番

初時未有拾取矢禮以其第一番唯有三耦射無賓射法不得云未是以轉為不以其全不拾取矢也云言此者嫌衆賓三耦同倫初時有射者此解經云衆賓不拾之意有此嫌故明之云後乃射有拾取矢禮也者據第三番衆賓乃射自然有福上

拾取矢禮後
文見之也

○司射作射如初一耦揖升如初司馬命

去侯獲者許諾司馬降釋弓反位司射猶挾一个去扑

與司馬交于階前升請釋獲于賓注猶有故之辭司射

既誘射恒執弓挾矢以掌射事備尚未知當教之也今

三耦卒射衆足以知之矣猶挾之者君子不必也音義

去起疏

釋曰自此盡共而俟論第二番射之事案大射

呂反疏

第二番射司馬命去侯云如初此司馬命去侯

不言如初者此臣禮威儀省司馬初命去侯時獲者許
諾聲不絕以至於乏再番三番命去侯獲者直許諾無
不絕聲故不言如初大射君禮威儀多故第二番與前
同獲者以宮商趨之故言如初於第三番禮殺獲不以

宮商直許諾又不得言如初注釋曰云今三耦卒射衆足以知之矣猶挾矢者君子不必也者司射教射者三耦卒射衆賓足知射禮猶挾矢教之者君子不必也案論語孔子云君子無必無固無我以不必即知故仍教

之賓許降搢扑西面立于所設中之東北面命釋獲者

設中遂視之注視之當教之疏

注釋曰云當教之者謂教其釋算安置左右及

數算告勝負之事亦教之也

釋獲者執鹿中一人執算以從之注鹿

中謂射於榭也於庠當兕中疏

注釋曰以州長是士射於榭鄉大夫是大夫為

之射於庠下記云士則鹿中大夫兕中故云鹿中謂射於榭也於庠當兕中也

釋獲者坐設中

南當楅西當西序東面興受算坐實八算于中橫委其

餘于中西南末興共而俟注興還北面受算反東面實

之音義

共九勇反

疏

釋曰云設中南當福南北節西當西序東西節注釋曰云興還北面受算反東

面實之者以其所納射器皆在堂西執中與算皆從堂西來向西序之南南面故執中者既東面坐設訖興還向北面受算迴向東面實之也司射遂進由堂下北面命曰不貫不釋

注貫猶中也不中正不釋算也古文貫作闕音義

貫古亂反

中丁仲反

疏

注釋曰言不貫者以其以布為侯故中者貫穿布侯故以中為貫也是以鄭云貫猶

中也中則貫也

上射揖司射退反位釋獲者坐取中之八算改

實八算于中興執而俟注執所取算疏

釋曰八算者人四矢一耦八矢

雖不知中否要須一矢則一算改實八算擬後來者用之

乃射若中則釋獲者坐而

釋獲每一個釋一算上射於右下射於左若有餘算則

反委之注委餘算禮尚異也委之合於中西音義

中丁仲反

疏

釋曰云上射於右下射於左者以釋算者東面為正依投壺禮賓黨於右主黨於左是以上射於右賓黨

也下射於左主黨也注釋曰云委餘算禮尚異也者手中餘算未知有幾不必盡中所有餘亦得於後釋要委餘於地別取中內八算者禮尚異故不用餘者云委之合於中西者算法多少視射人多少不定要橫委其餘於中西手中餘

又取中之八算改實八算于中興執而

俟三耦卒射○賓主人大夫揖皆由其階降揖主人堂

東袒決遂執弓搯三挾一个賓於堂西亦如之皆由其
階階下揖升堂揖主人為下射皆當其物北面揖及物
揖乃射卒南面揖皆由其階階上揖降階揖賓序西主
人序東皆釋弓說決拾襲反位升及階揖升堂揖皆就
席注或言堂或言序亦為庠榭互言也賓主人射大夫

止於堂西疏

注釋曰上云榭則鈞楹內謂射於榭者也
堂則由楹外謂射於庠者也此當有鄉大

夫射於庠亦有州長射於序故互見其義互言者今袒
決遂則言堂東西見在庠也在榭亦然釋弓說決拾則
言序東序西序則榭也在庠亦然故言序東西周公省
文欲兩見之也云大夫止於堂西者上賓主人大夫俱

降無堂西之文下云大夫袒決遂就其耦故知此時止於堂西故記云大夫降立於堂西以俟射也○大

夫袒決遂執弓搯三挾一个由堂西出于司射之西就其耦大夫為下射揖進耦少退揖如三耦及階耦先升卒射揖如升射耦先降降階耦少退皆釋弓于堂西襲耦遂止于堂西大夫升就席注耦於庭下不並行尊大

夫也在堂如上射之儀近其事得申疏注釋曰言在堂如上射之儀者

謂耦先升是如上射先升法以其近射事故得申也衆賓繼射釋獲皆如初司射

所作唯上耦注於是言唯上耦者嫌賓主人射亦作之

大射三耦卒射司射請于公及賓疏

注釋曰云於是言唯上耦者嫌賓主

人射亦作之鄭言此者若三耦射下即言所作唯上耦則賓主人射作之未可知故於衆賓射訖乃言此明賓主射不作可知故於此乃言所作唯上耦明除賓主矣故鄭云於是言唯上耦嫌賓主射亦作之引大射者公尊公與賓射不作直請記云賓主人射則司射擯升降是雖不作猶為擯相之但不請也

卒射釋獲

者遂以所執餘獲升自西階盡階不升堂告于賓曰左

右卒射降反位坐委餘獲于中西興共而俟注司射不

告卒射者釋獲者於是有事宜終之也餘獲餘算也無

餘算則空手耳俟俟數也疏

注釋曰云宜終之也者決前番射司射告卒射此二

番射不告卒使獲者告是空終之也云餘獲餘算者一
耦不必盡中故有餘算也云無餘算則空手耳者或賓
主八矢盡中釋八
算故空手告也

○司馬袒決執弓升命取矢如初獲

者許諾以旌負侯如初司馬降釋弓反位弟子委矢如

初大夫之矢則兼束之以茅上握焉注兼束大夫矢優

之是以不拾也束於握上則兼取之順羽便也握謂中

央也不束主人矢不可以殊於賓也言大夫之矢則矢

有題識也肅慎氏貢枯矢銘其括今文上作尚音義

大題

兮反識申志反枯
音戶字又作楷

疏

釋曰自此盡司馬乘矢論取矢之
事注釋曰云束於握上則兼取之

順羽便也者握上則兼取之順持之處今束於握之上
取持於中央握之向下順羽便故乘矢總束之也云不
束主人矢不可以殊於賓也者主人鄉大夫則是大夫
當束之不敢殊別於賓故不束若主人是州長則士自
然不束也肅慎氏者國語文引之者證矢有
題識以有題識故束者得知是大夫之矢也

司馬乘矢

如初○司射遂適西階西釋弓去扑襲進由中東立于

中南北面視算注釋弓去扑射事已疏

注釋曰凡言遂者因上事司射

於上無事而言遂適者以司射與司馬遞行事今以司
馬進乘矢司射遂適西階西釋弓去扑也注釋曰云射
事已此始再番射未已而言已者前番不釋獲今據第
二釋獲之功成則為已是以下記云司射釋弓矢視算
與獻釋獲者釋弓矢注云唯此二事休武主文
休武者射記數算主文者洗爵獻釋獲者是也

釋獲者

東面于中西坐先數右獲注固東面矣復言之者為其

少南就右獲音義

數所主反為于偽反

疏

注釋曰釋獲者在中西東面釋算之時賓黨於

右主黨於左今將數算宜就之是以少南就右獲仍東面也

二算為純注純猶全也

耦陰陽疏

注釋曰云耦陰陽者陰陽對合故二算為耦陰陽也

一純以取實于左

手十純則縮而委之注縮從也於數者東西為從古文

縮皆為蹙音義

從子容反

疏

注釋曰凡言從橫者南北為從東西為橫今釋算者東面而言

從橫則據數算東為正是以東西者為從南北者為橫故鄭云於數者東西為從也

每委異之注

易校數有餘純則橫於下注又異之也自近為下疏

釋曰

此則以南
北為橫也

一算為奇奇則又縮諸純下注奇猶虧也又

從之興自前適左東面注起由中西就左獲少北於故

東面鄉之疏

注釋曰云少北如故故則右算也又移至
左算之後東面鄉之是以云少北於故

坐兼斂算實于左手一純以委十則異之注變於右疏

注釋曰云變於右者右則一一取之於地實於左手此
則總斂於左手一一取之於左手委於地是變也必變
之者禮以
變為敬也其餘如右獲注謂所縮所橫司射復位釋獲

者遂進取賢獲執以升自西階盡階不升堂告于賓注

賢獲勝黨之算也齊之而取其餘疏

注釋曰云齊之而
取其餘者解經取

賢獲以算為獲以其唱獲則釋算故名算為獲左右數齊有餘則賢獲故以告也

若右勝則曰

右賢於左若左勝則曰左賢於右以純數告若有奇者

亦曰奇注賢猶勝也言賢者射之以中為雋也假如右

勝告曰右賢於左若干純若干奇音義

中丁仲反疏注釋曰若干者

數不定之辭凡數法自二已上得稱若干奇則一也一外無若干鄭亦言若干者因純有若干奇亦言若干奇言若干者若左右鈞則左右皆執一算以告曰左右鈞

衍字也

降復位坐兼斂算實八算于中委其餘于中西興共而

俟疏

釋曰此將為第三番射故豫設之或實或委一如前法也

○司射適堂西命第

子設豐注將飲不勝者設豐所以承其爵也豐形蓋似

豆而卑音義

飲於鵠反

疏

釋曰自此盡徹豐與解論罰爵之事注釋曰云設豐所以承其爵也

者案燕禮君尊有豐此云承爵豐則兩用之燕禮注豐形似豆卑而大此不言大彼以承尊故言大此承爵不

言大或小耳

弟子奉豐升設于西楹之西乃降勝者之弟子

洗解升酌南面坐奠于豐上降袒執弓反位注勝者之

弟子其少者也耦不酌下無能也酌者不授爵略之也

執弓反射位不俟其黨已酌有事音義

少詩召反下遐嫁反下相下同

疏

注釋曰知弟子是少者以其執弟子禮使令故知少者也云執弓反射位不待其黨已酌有事者以此弟

子由堂西固在射賓中矣黨即衆賓是也案下文三耦及衆射者皆與其耦進立于射位今酌者不待其黨與俱進而先反射位者由已酌酒有事訖其黨未得司射命又無事不得共酌者同就射位故酌者先得反射位也

司射遂袒執弓挾一个摺扑北面于三耦之南命三耦及衆賓勝者皆袒決遂執張弓注執張弓言能用之

也右手執弦如卒射疏

注釋曰云右手執弦如卒射者上文卒射執弓不挾右執弦矢

盡故也此非卒射亦執張弓為無矢亦右執弦也故注云如卒射

不勝者皆襲說決拾

卻左手右加弛弓于其上遂以執附注固襲說決拾矣

復言之者起勝者也執弛弓言不能用之也兩手執附

又不得執弦音義

弛尸氏反 疏

注釋曰云固襲說決拾

說決拾矣云起勝者也者謂至此復言不勝者謂以此襲說決拾以不能用也起發勝者袒決遂能用也云兩

手執弣又不得執弦者上勝者言執張弓如卒射則左手執弓右手執弦此則云執弣明弛弓於左手之上執

弣橫之而不得執弦則宜右手共執弓弣故云兩手執弣又不得執弦也

司射先反位注居

前俟所命來疏

注釋曰云居前俟所命來者以衆射者皆止於堂西未向射位而司射先反位

下文司射命衆耦衆耦等乃來就射位是得命即來故云俟所命來也來訖司射乃作之也

三耦及

衆射者皆與其耦進立于射位北上司射作升飲者如

作射一耦進揖如升射及階勝者先升堂少右注先升

尊賢也少右辟飲者也亦相飲之位音義

辟音

疏

注釋曰云

少右辟飲者也者以其豐在西楹之西正當西階飲者升少西又當辟豐上之爵故云少右辟飲者也云亦相飲之位者以其相飲者皆北面於西階授者在東飲者在西故云亦相飲之位不勝者進北面

坐取豐上之觶興少退立卒觶進坐奠于豐下興揖注

立卒觶不祭不拜受罰爵不備禮也右手執觶左手執

弓疏

注釋曰此無正文以祭禮皆左手執爵用右手以祭故知此亦用左手執弓右手執觶可知也

不

勝者先降注後升先降略之不由次疏

注釋曰此對射時升降皆有上

射在先今後升先降故云略之不由次第也

與升飲者相左交于階前相揖

出于司馬之南遂適堂西釋弓襲而俟注俟復射疏

注釋

曰俟復射者謂俟第三番射也

有執爵者注主人使贊者代弟子酌也

於既升飲而升自西階立于序端疏

注釋曰以初使勝黨弟子酌酒於豐

上以發首故使弟子今云有執爵者明主人使贊者代弟子酌於豐上以次至終也贊者謂主人之賤不射者此則鄉飲酒云主人之贊者之類也云於既升飲而升自西階立于序端者謂於上耦既飲訖贊者乃升自西階酌訖奠於豐上如下文贊者即立於序端立于序端文出於大射也

執爵者坐取觶實

之反奠于豐上升飲者如初注每者輒酌以至於徧疏

釋曰云執爵者坐取觶實之者謂初飲訖反奠於豐上贊者取此觶實之反奠於豐上云升飲者如初已下皆

如初故鄭云每者
輒酌以至於偏也

三耦卒飲賓主人大夫不勝則不執

弓執爵者取觶降洗升實之以授于席前注優尊也受

觶以適西階上北面立飲注受罰爵者不宜自尊別卒

觶授執爵者反就席大夫飲則耦不升注以賓主人飲

耦在上嫌其升若大夫之耦不勝則亦執弛弓特升飲

注尊者可以孤無能對衆賓繼飲射爵者辯乃徹豐與

觶注徹猶除也設豐者反豐於堂西執爵者反觶於篚

○司馬洗爵升實之以降獻獲者于侯注鄉人獲者賤

明其主以侯為功得獻也疏

釋曰自此盡負侯而俟論司馬獻獲者之節注釋曰

云鄉人獲者賤明其主以侯為功得獻也者案大射云司馬正洗散遂實爵獻服不服不侯西北三步北面拜受爵注云近其所為獻彼國君禮使服不士官唱獲故就其所為唱獲獻之此鄉人獲者賤故獻於侯明以侯為功得獻也

薦脯醢設折俎俎與薦皆三祭注皆三祭為其

將祭侯也祭侯三處也音義

處昌慮反

疏

注釋曰三處者下文右與左中是也

獲者負侯北面拜受爵司馬西面拜送爵注負侯負侯

中也拜送爵不同面者辟正主也其設薦俎西面錯以

南為上為受爵于侯薦之於位古文曰再拜受爵疏

注釋

曰知負侯中者以下云適右个又適左个後言中明先居中可知云拜送爵不同面者辟正主也者案上文正主獻賓獻衆賓皆北面與受獻者同面今此與受獻不同面故云辟正主也云其設薦俎西面錯以南為上者獲者據下文東面而云西面錯據設人而言以南為上者特牲少牢東面籩豆皆以南方為上故知此亦然云受爵於侯薦之於位者此云負侯北面拜受爵是受爵於侯云薦之於位者下云左个之西北三步東面設薦是薦之於位也若然不薦亦在侯者以其酒在人手可得就侯獻獲者薦乃設之於地若與酒俱在侯所則正祭侯何名獻獲也若大射則獻與薦俱在之乃適侯祭之君禮與此異也

獲者執爵使人執

其薦與俎從之適右个設薦俎注獲者以侯為功是以

獻焉人謂主人贊者上設薦俎者也為設籩在東豆在

西俎當其北也言使設新之音義

个音疏釋曰此將祭

云獲者以侯為功是以獻焉者以獲者卑賤因侯有功
乃得獻今還以得獻之酒獻侯故云是以獻也云人謂
主人贊者以其前使為獲者設薦俎是主人之贊者今
還使之設薦俎故知人是主人贊者知邊在東豆在西
俎當其北也者以其侯以北面為正依特牲少牢皆邊
在右故知邊在東右廟豆在西左廟可知也云言使設
新之者鄭意嫌更使人設之其實薦此者仍前人
而云使人設薦俎示新之而已故云言使設也

獲者

南面坐左執爵祭脯醢執爵興取肺坐祭遂祭酒注為

侯祭也亦二手祭酒反注如大射疏

注釋曰此正祭侯故獲者南面鄉侯

祭故鄭云為侯祭也云亦二手祭酒反注如大射者案
大射云獲者左執爵右祭薦俎二手祭酒鄭注云二手

祭酒者南面於俎之北當為侯祭於豆閒爵反注為一手不能正也此薦俎之設如於北面人焉此祭亦然故云如大興適左个中亦如之注先祭左个後中者以外射也

即之至中若神在中也左个之西北三步東面設薦俎獲者薦右東面立飲不拜既爵注不就乏者明其享侯

之餘也立飲薦右近司馬於是司馬北面疏

注釋曰云不就乏者

明其享侯之餘也者若就乏則已所當得今不就乏近侯者明享侯之餘云立飲於薦右近司馬者解在薦右之意也知於是司馬北面者此約獻釋獲者司射之位案下文司射獻釋獲者釋獲者薦右東面拜受爵司射北面拜送爵故知此時司馬亦北面也若然釋獲者在司射之西北面立飲此獲者不北面飲者案大射注北

鄉受獻之位也不北面者嫌為
侯卒爵此亦然故不北面也

司馬受爵奠于篚復位

獲者執其薦使人執俎從之辟設于乏南注遷設薦俎

就乏明已所得禮也言辟之者不使當位辟舉旌偃旌

也設于南右之也凡他薦俎皆當其位之前音義

辟扶益反

注辟之辟舉及下並辟薦同

疏

注釋曰云遷設薦俎就乏明已所得禮也者前設近侯見享侯之餘此近

乏者已所有事之處遷近乏是明其已所得禮故也云

設於南右之也者以右取之便也云凡他薦俎皆當其

位之前者言凡見廣解薦處謂凡燕及食并祭祀之薦

俎皆當其位之前唯此與大射獲者與釋獲者薦俎辟

設不當

獲者負侯而俟疏

釋曰獲者既受獻負侯而俟第三番射也

○司射

適階西釋弓矢去扑說決拾襲適洗洗爵升實之以降

獻釋獲者于其位少南薦脯醢折俎有祭注不當其位

辟中疏

釋曰自此盡反位論司射獻釋獲之事此薦脯醢及折俎有祭肺一與獻獲者同但彼三祭此

一祭為異也有祭者亦薦有脯醢俎有祭肺以為將食而祭故言有祭也注釋曰云不當其位辟中者以釋獲者位在中西故獻之於釋獲者薦右東面拜受爵司射其位少南所以辟中也

北面拜送爵釋獲者就其薦坐左執爵祭脯醢興取肺坐祭遂祭酒興司射之西北面立飲不拜既爵司射受爵奠于篚釋獲者少西辟薦反位注辟薦少西之者為

復射妨司射視算也亦辟俎疏

注釋曰云亦辟俎者上獻獲者訖獲者執其薦

使人執俎從之設于之南此釋獲者受獻訖釋獲者少西辟薦不云辟俎亦辟俎與獲者同可知故云亦辟俎

也○司射適堂西袒決遂取弓于階西挾一个搯扑以

反位注為將復射疏

釋曰自此盡反位論將為下番射作之使拾取矢之事

司射

去扑倚于階西升請射于賓如初賓許○司射降搯扑

由司馬之南適堂西命三耦及衆賓皆袒決遂執弓就

位注位射位也不言射者以當序取矢疏

注釋曰云位射位者知是

射者下云各以其耦反於射位故知此是射位在司射之西南東面者也云不言射者以當序取矢者以此當

次序拾取矢時故不言射位也

司射先反位注言先三耦及衆賓也既

命之即反位不俟之也鄉不言先三耦未有拾取矢位

無所先音義

先悉薦反下同

疏

注釋曰言先三耦及衆賓故知先三

耦及衆賓也云鄉不言先三耦未有拾取矢位無所先者案前第二番將射命三耦拾取矢司射反位不言先未有位無所先故決之第三番無位者以司射之西南有三耦射位至再番司射反於故位三耦將移於司馬之西南拾取矢之位未往之時未有故位三耦既無故位故司射不得言先故以此決之也凡射大射與鄉射各有三位此鄉射無次有堂西取弓矢袒決遂及比耦之位又有三耦射位在司射位西南又有拾取矢及再番射位是三位大射有次次內有袒決遂取弓矢之位又有堂東次比耦之位又有射位并拾取矢之位是亦

有三位但君臣禮異故位事不同也

三耦及衆賓皆袒決遂執弓各以其

耦進反于射位注以猶與也今文以為與疏

注釋曰訓以為與者

春秋之義能東西之曰以若存以字謂嫌尊卑不同任意以之故轉為與則平敵之義也

司射作拾

取矢三耦拾取矢如初反位賓主人大夫降揖如初主

人堂東賓堂西皆袒決遂執弓皆進階前揖注南面相

俟而揖行也疏

注釋曰言南面者謂賓主各於堂東西南面立相待言揖行者謂各於堂上北

面相見而揖揖訖行向福也

及福揖拾取矢如三耦注及福當福東

西也主人西面賓東面相揖拾取矢不北面揖由便也

疏

注釋曰云及福當福東西也者賓主出堂東西相見揖訖東西行至福所也云不北面揖由便也者決三

耦及衆賓皆於福南北面揖及福揖此則無福南北面揖賓主各由東西便故也

卒北面揖三

挾一个注亦於三耦為之位疏

注釋曰經云搢三挾一个與上三耦取矢訖搢

三挾一个同又同處故云亦於三耦為之位也

揖退注皆已揖左還各由其塗

反位疏

注釋曰云皆已揖左還各由其塗反位者謂賓主北面揖退之時賓主皆左還相背各向堂塗

反堂東西之位知左還者約上三耦也

賓堂西主人堂東皆釋弓矢襲及

階揖升堂揖就席注將袒先言主人將襲先言賓尊賓

也疏

注釋曰袒是盡敬之事襲是修容之禮故上經將袒先言主人此經襲則先言賓是尊賓故也

○

大夫袒決遂執弓就其耦注降袒決遂於堂西就其耦

於射位與之拾取矢疏

注釋曰知於堂西者上文賓主人大夫降賓堂西袒決遂又上

文大夫射時堂西袒決遂故知也

揖皆進如三耦耦東面大夫西面大

夫進坐說矢束注說矢束者下耦以將拾取音義

說吐活反

又始疏釋曰大夫西面銳反者為下射故也

興反位而后耦揖進坐兼取乘

矢順羽而興反位揖注兼取乘矢者尊大夫不敢與之

拾也相下相尊君子之所以相接也疏

釋曰此大夫與耦取矢踣弓覆

手仰手一如上三耦法其揖退之儀亦如上左還而西也

大夫進坐亦兼取乘矢如

其耦北面搯三挾一个注亦於三耦為之位揖退耦反
位大夫遂適序西釋弓矢襲升即席注大夫不序於下
尊也衆賓繼拾取矢皆如三耦以反位○司射猶挾一
个以進作上射如初一耦揖升如初注進前也鄉言還
當上耦西面是言進終始互相明也今文或言作升射
疏釋曰自此盡退中與算而俟論第三番用樂射之事
注釋曰云鄉言還當上耦西面是言進終始互相明
也者上番將射時云司射還當上耦西面作上耦射不
言進明還當上耦時者進近上耦乃作之此直進作射
不言還當上耦明進時亦還當上耦而作之故言終始互相明也
司馬升命去侯獲者

許諾司馬降釋弓反位司射與司馬交于階前去扑襲
升請以樂樂于賓賓許諾司射降搢扑東面命樂正曰
請以樂樂于賓賓許注東面於西階之前也不就樂正
命之者傳尊者之命於賤者遙號命之可也樂正亦許
諾猶北面不還以賓在堂音義

樂樂下字音疏
洛傳直專反
注釋曰

階之前不就樂正命之者以經云司射降搢扑即言東
面命樂正無行進之事故知西階之前遙命之也云樂
正亦許諾知者案大射云司射東面命樂正曰命用樂
樂正曰諾是樂正許諾之事此不言者文不具故言之
云猶北面不還以賓在堂者此亦無文樂正位東階東
南北面大師位其北西面賓在堂南面樂正猶北面不

還西面是以下文特云東面命大師明此時不西面受命矣大射鄭注彼云樂正西面受命左還東面命大師與此禮異者雖無正文鄭以義言君在阼故也司射遂適階閒堂下北面命曰

不鼓不釋注不與鼓節相應不釋算也鄉射之鼓五節

歌五終所以將八矢一節之間當拾發四節四拾其一

節先以聽也疏

注釋曰云鄉射之鼓五節者以卿大夫士同五節是以射人云王以騶虞九節

諸侯以貍首七節卿大夫以采蘋五節士以采芣五節是卿大夫士同五節云歌五終所以將八矢者下記云歌騶虞若采蘋皆五終是也云一節之間當拾發四節四拾其一節先以聽也者尊卑樂節雖多少不同四節以盡乘矢則同其餘外皆以聽以知樂終始長短也王九節者五節先以聽諸侯七節者三節先以聽卿大夫

士五節者一節先以聽皆四節拾將乘矢但尊者先以聽則多卑者先以聽則少優至尊先知審固也此節亦取侯道之數故鄭注射人云九節七節五節者奏樂以爲射節之差言節者容侯道之數也凡射皆與臣下共爲若與尊者同耦自然與尊者同節若不與尊者同耦則各自用其節樂當與射義同

上射揖司

射退反位樂正東面命大師曰奏騶虞閒若一注東面

者進還鄉大師也騶虞國風召南之詩篇也射義曰騶虞者樂官備也其詩有一發五豝五豮于嗟騶虞之言樂得賢者衆多嘆思至仁之人以充其官此天子之射節也而用之者方有樂賢之志取其宜也其他賓客卿

大夫則歌采蘋閔若一者重節音義

祀音巴縱子工反

疏

注釋曰云

東面者進還鄉大師也者以其大師西面樂正北面明知進身鄉大師乃命之云此天子之射節也者據周禮射人而知云取其宜也者騶虞喻得賢者多此鄉射亦樂賢故云取其宜也云其他賓客卿大夫則歌采蘋者采蘋是卿大夫樂節其他謂賓射與燕射若州長他賓客自奏采蘋若然此篇有鄉大夫州長射法則同用騶虞以其同有樂賢之志也云閔若一者重節者閔若一謂五節之間長短希數皆如一則是重樂節也大

師不興許諾樂正退反位乃奏騶虞以射三耦卒射賓

主人大夫衆賓繼射釋獲如初卒射降注皆應鼓與歌

之節乃釋算降者衆賓疏

釋曰云樂正退反位者反工南北面位也注釋曰降者衆

賓者次番射時賓與主人大夫
卒射皆升堂此降者衆賓也

釋獲者執餘獲升告左

右卒射如初注卒已也今文曰告于賓○司馬升命取
矢獲者許諾司馬降釋弓反位弟子委矢司馬垂之皆
如初司射釋弓視算如初注算獲算也今文曰視數也
釋獲者以賢獲與鈞告如初降復位○司射命設豐設
豐實觶如初遂命勝者執張弓不勝者執弛弓升飲如
初○司射猶袒決遂左執弓右執一个兼諸弦面鏃適
堂西以命拾取矢如初注側持弦矢曰執面猶尚也并

矢於弦尚其鏃將止變於射也疏

釋曰言猶袒者亦是
有故之辭以其常袒

恐不袒故言猶以連之也注釋曰云側持弦矢曰執者
對方持弦矢曰挾云并矢於弦尚其鏃將止變於射也
者亦是對將司射反位三耦及賓主人大夫衆賓皆袒

射挾矢而言

決遂拾取矢如初矢不挾兼諸弦附以退不反位遂授

有司于堂西注不挾亦謂執之如司射也不以反射位

授有司者射禮畢疏

注釋曰云不挾亦謂執之如司射
也者執之如司射兼諸弦附則與

司射異以其司射直執一个無三矢兼於附三耦以
下則執一个并於弦又以三矢并於附所以異也

辯

拾取矢揖皆升就席注謂賓大夫及衆賓也相俟堂西

進立于西階之前主人以賓揖升大夫及衆賓從升立

時少退于大夫三耦及弟子自若留下疏

注釋曰知相俟于堂西者

以經言辯拾取矢訖乃言揖皆升就席則知先取矢者皆相待堂西其主人則在堂東偏取矢訖乃揖而升堂就席也云主人以賓揖升大夫及衆賓從升立時少退于大夫三耦及弟子自若留下者衆賓則三賓也皆依上文獻後升及留在下之法

○司射乃適堂西釋弓去扑說決拾襲

反位疏

釋曰司射之扑在階西今來去扑於堂西之等以其不復射故也

司馬命弟子

說侯之左下網而釋之注說解也釋之不復射掩束之

音義

說吐活反復扶又反

疏

注釋曰上初張侯時云乃張侯下網不及地武不繫左下網中掩束之鄭

云事未至也又至將射時司馬命張侯弟子說束遂繫
左下網鄭注云事至今言司馬命弟子說侯之左下網
而釋之直言說侯之左下網而釋之明未全去備復射
故鄭下注云諸所退皆俟於堂西備復射也故知此釋
之為三番射畢不復射若有射則行燕射旅酬以
後乃為之故於此時中掩左下網如初張時也

命獲

者以旌退命弟子退福司射命釋獲者退中與算而俟

注諸所退皆俟堂西備復射也旌言以者旌恆執也獲

者釋獲者亦退其薦俎疏

注釋曰獲者釋獲者亦退薦俎者上獻時皆有薦俎辟之

於右今獲者以旌退釋獲者退中故知亦退薦俎也

司馬反為司正退復觶南而

立注當監旅酬音義

監古疏釋曰自此盡司正降復位衍反論射訖行旅酬之事故司

馬反為司正鄭云當監旅酬也

樂正命弟子贊工即位弟子相工如其

降也升自西階反坐注贊工遷樂也降時如初入樂正

反自西階東北面疏

釋曰前為將射遷工于東方西面樂正北面今將旅酬作樂故遷升

于堂上也注釋曰云降時如初入者以經直云如其降也降時威儀不見故取上文降時如初入初入則上工四人已下是也云樂正反自西階東北面者上初升於西階之東樂正立于其西合樂訖工告樂正曰正歌備樂正告于賓乃降立于西階東北面又將射時樂正命弟子贊工遷樂于下弟子相工如初入降自西階東北面近其事知不升者以正樂畢上無告
○賓北面坐取請于賓之事宜與正歌備已後同也

俎西之觶興阼階上北面酬主人主人降席立于賓東

賓坐奠觶拜執觶興主人答拜賓不祭卒觶不拜不洗

實之進東南面注所不者酬而禮殺也賓立飲音義殺所

界疏

釋曰賓北面坐取俎西之觶者謂上一人舉觶于賓賓奠于薦西者也注釋曰云賓立飲者鄉飲酒

當此賓酬主人時云賓不祭立飲是也

主人阼階上北面拜賓少退注少

退少逡遁也音義

逡七旬反遁音旬

主人進受觶賓主人之西

北面拜送注旅酬而同階禮殺也疏

注釋曰對獻酬之時賓主各於其階

故云同階禮殺也

賓揖就席主人以觶適西階上酬大夫大夫

降席立于主人之西如賓酬主人之禮注其既實觶進

西南面立鄉所酬疏

釋曰云主人以饌適西階上酬大夫者旅酬恒執此饌以相酬故言

以知義然者上文命獲者以旌退鄭注云旌言以者旌恒執也是也注釋曰云其既實饌進西南面立鄉所酬

知者以上賓酬主人阼階上實饌進東南面則知此主人酬大夫西階上實饌而亦進西南面可知也主

人揖就席若無大夫則長受酬亦如之注長謂以長幼

之次酬衆賓音義

長丁疏釋曰云若無大夫者鄉人為大反公卿大夫來觀禮者為遵或

有或無不定故云若有大夫先酬之無大夫則酬長以鄉射無介直有三賓以長幼之次受酬此言酬衆賓則

三賓也司正升自西階相旅作受酬者曰某酬某子注某

者字也某子者氏也稱酬者之字受酬者曰某子旅酬

下為上尊之也春秋傳曰字不若子此言某酬某子者

射禮略於飲酒飲酒言某子受酬以飲酒為主疏

注釋曰云

旅酬下為上尊之也者以旅酬者少長以齒逮下之道
前人雖卑其司正命之飲酒呼之稱謂尊於酬者故受
酬者為某子酬他為某也云春秋傳曰者案莊十年秋
九月經書荆敗蔡師于莘以蔡侯獻舞歸公羊傳曰荆
者何州名也州不若國國不若氏氏不若人人不若名
名不若字字不若子何休云爵最尊也鄭引之者證旅
酬下為上之義酬者稱字受酬者稱字子是尊稱云此
言某酬某子者射禮略於飲酒飲酒言某子受酬以飲
酒為主者此鄉射主於射略於飲酒故稱酬他者字又
稱受酬飲酒者為子是字不若子飲酒言某子受酬直
以飲酒為主故也

受酬者降席司正退立于西序端東面注退

立俟後酬者也始升相立階西北面疏

注釋曰云始升相立階西北面

者鄉飲酒注亦然知者以司正升自西階與西階之酬者立故知始時在西階西北面也

衆受酬者

拜興飲皆如賓酬主人之禮辯遂酬在下者皆升受酬

于西階上注在下謂賓黨也鄉飲酒記曰主人之贊者

西面北上不與無算爵然後與此異於賓音義

與音預

疏

注釋曰引鄉飲酒記者欲見賓黨在西主黨在東主黨不與酬之義

卒受者以解降奠于

篚司正降復位疏

釋曰自此盡唯賓論舉解於賓與大夫為無算爵之事云司正降復位者

司正當監旅酬訖故降使二人舉解於賓與大夫為無算始也

○使二人舉解于賓與

大夫注二人主人之贊者舉觶者皆洗觶升實之西階上北面皆坐奠觶拜執觶興賓與大夫皆席末答拜舉觶者皆坐祭遂飲卒觶興坐奠觶拜執觶興賓與大夫皆答拜舉觶者逆降洗升實觶皆立于西階上北面東上賓與大夫拜舉觶者皆進坐奠于薦右注坐奠之不

敢授疏

釋曰賓與大夫皆席末答拜者皆席西南面答拜云皆進坐奠于薦右者以其將飲者于右故

也注釋曰云坐奠之不敢授者對獻酬時親授主人之贊者卑不敢親授觥也

賓與大夫辭坐

受觥以興注辭辭其坐奠觥疏

釋曰必辭者贊者不敢親授賓與大夫不可自

尊故辭之不言取而言舉觶者退反位皆拜送乃降賓受者亦是若親受之然

與大夫反奠于其所興注不舉者盛禮已崇古文曰反

坐疏

注釋曰崇重也凡飲酒禮成於酬前已旅酬所盛禮已重今主人復舉觶為無算爵盡歡情客不盡

主人歡故且奠之後舉之故不奠薦左

若無大夫則唯賓注長一人舉觶

如燕禮勝爵之為疏

釋曰鄉二人舉觶為賓與大夫今若無大夫當闕一人故云則唯賓

也注釋曰云長一人舉觶如燕禮勝爵之為者燕禮初二大夫勝觶至旅酬復使二人若命長勝一爵於君與此同故云如燕禮之為彼旅酬此為無算爵不同但一人是同故引為證也

○司正升自西

階阼階上受命于主人適西階上北面請坐于賓注請

坐欲與賓燕盡殷勤也至此盛禮已成酒清肴乾強有

力者猶倦焉疏

釋曰自此盡少退北上論請坐徹俎之事注釋曰云酒清肴乾強有力者猶倦

焉者此禮記聘義文案彼云故強有力者將以行禮也酒清人渴而不敢飲也肉乾人飢而不敢食也日莫人倦齊莊正齊而不敢懈惰引之者證此賓須坐之義賓辭以俎注俎者肴之貴者

也辭之者不敢以燕坐褻貴肴疏

注釋曰俎所盛骨體骨體是肴之貴者故

辭之也

反命于主人主人曰請徹俎賓許司正降自西階

階前命弟子俟徹俎注弟子賓黨也俎者主人贊者設

之今賓辭之使其黨俟徹順賓意也上言請坐于賓此

言主人曰互相備耳疏

注釋曰知弟子是賓黨者以其司正降自西階階前命之明賓

黨弟子在西階東面也必使賓黨弟子者徹俎是賓請之故鄭云俎者主人贊者設之今賓辭之使其黨俟徹順賓意也云上言請坐于賓此言主人曰互相備耳者凡辭皆司正請于主人主人有命司正乃傳告賓今上文云司正請坐于賓直見司正傳主人辭不見主人曰請坐于賓之辭此經直見主人曰請徹俎不見司正傳主人以告賓是互相備也不言互文而云互相備者凡言互文者各舉一事一事自周是互文此據一邊禮一邊禮不備文相續乃備故云互相備若云糗餌粉養鄭注云餌言糗養言粉互相足之類也

司正升

立于序端賓降席北面主人降席自南方阼階上北面

大夫降席席東南面注俟弟子升受俎疏

注釋曰云俟弟子升受俎

者下云司正以俎出授從者注云授賓家從來者也所以厚禮之則此弟子升受俎者案下文據大夫與主人而言若賓組授賓取俎還授司正司正以降自西階賓司正非弟子也

從之降遂立于階西東面司正以俎出授從者注授賓

家從來者也古者與人飲食必歸其盛者所以厚禮之

音義

從才用反注疏注釋曰云古者與人飲食必歸其及下從者同疏注釋曰云古者與人飲食必歸其

大射賓客皆有俎徹歸客之左右俎是肴之貴是歸其盛者公食大夫既食有司卷三牲之俎歸于賓館故總云古者與人飲食必歸主人取俎還授弟子弟子受俎其盛者所以厚禮之也

降自西階以東主人降自阼階西面立注以東授主人

侍者疏

注釋曰云以東授主人侍者弟子是賓黨非主人之贊者故知徹主人俎還授主人侍者歸入

於內也

大夫取俎還授弟子弟子以降自西階遂出授從

者大夫從之降立于賓南注凡言還者明取俎各自鄉

其席衆賓皆降立于大夫之南少退北上注從降亦為

將燕音義

為于偽反

疏

注釋曰賓主人大夫有俎從俎而降此三賓無俎亦從大夫而降亦知賓

主人大夫將燕故同降同升也

○主人以賓揖讓說屨乃升大夫及衆

賓皆說屨升坐注說屨者將坐空屨褻賤不宜在堂也

說屨則摳衣為其被地音義

說吐活反摳苦侯反被皮義反疏釋曰自此盡門

外再拜論升坐行無算爵賓醉送出之事注釋曰云說
 屨則振衣為其被地者曲禮云振衣趨隅彼謂升席時
 引之證說屨低身亦然若不振衣恐衣被地履之但對
 文上曰衣下曰裳散文衣裳通此衣即裳也案少儀云
 排闥說屨於戶內一人而已矣鄭注云雖衆敵猶有所
 尊也彼尊卑在室則尊者說屨在戶內其餘說屨於戶
 外若尊卑在堂則亦尊者一人說屨在堂其餘說屨於
 堂下是以燕禮大射臣皆說屨於階下公不見說屨之
 文明公弔在堂矣此乃鄉射非臣禮

○乃羞注羞進也

所進者狗載醢也燕設啗具所以案酒音義

載壯吏反
啗徒覽反

疏

注釋曰云所進者狗載醢也者以其牲用狗故知狗
載也醢未必狗以其醢豫造乃成非臨時之物故知

非狗連
言之也

無算爵使二人舉觶賓與大夫不興取奠觶飲

卒觶不拜注二人謂臯者二人也使之升立于西階上

賓與大夫將旅當執觶也卒觶者固不拜矣著之者嫌

坐卒爵者拜既爵此坐于席禮既殺不復崇疏

釋曰經賓上有

于字者誤以此二觶仍是前二人所舉者今以二人升者舉發使行無算爵非新觶以鄭注可知故誤有也若然舉觶上屬賓下屬為句也注釋曰云卒觶者固不拜矣著之者嫌坐卒爵者拜既爵者上正旅酬時賓酬主人賓不祭卒觶不拜不洗今此二人舉觶禮彌殺故云卒觶者固不拜矣嫌坐卒爵者拜既爵者以上獻酬時皆坐卒爵拜既爵嫌此無算爵飲卒觶亦有拜義故明之云坐于席禮既殺不復崇者此決正行獻酬時在於階下有拜既爵此說屢就席禮既殺不復崇重故無拜爵也

執觶者受觶遂實之賓

觶以之主人大夫之觶長受注長衆賓長而錯皆不拜

注錯者實主人之觶以之次賓也實賓長之觶以之次

大夫其或多者迭飲於坐而已皆不拜受禮又殺也今

文無執觶及賓觶大夫之觶皆為爵實觶觶為之音義

迭大疏

注釋曰云其或多者迭飲於坐而已者衆賓之

結反

長在賓西者三人大夫則席於賓東若大夫亦

三人則與衆賓等得交錯相酬言其或多者若有一大

夫則衆賓二人無所酬直二人迭飲而已若大夫四人

已上多於三賓自三人之外亦無所酬則亦自相酬迭

飲而已云皆不拜受禮又殺也者上二人舉觶於賓與

大夫皆拜受及飲卒不拜是其殺今衆賓與大夫不拜

受觶故言禮又殺也此經曰執觶者今文無此執觶又

今文賓饌大夫之饌皆為爵不從者以其皆在無筭爵之科明不為爵云賓饌饌為之者明不從也

辨卒

受者興以旅在下者于西階上注衆賓之末飲而酬主

人之贊者大夫之末飲而酬賓黨亦錯焉不使執饌者

酌以其將旅酬不以已尊於人也其末若皆衆賓則先

酬主人之贊者若皆大夫則先酬賓黨而已執饌者酌

在上辨降復位疏

釋曰經云辨謂堂上衆賓已上皆飲訖云卒受者謂最末後飲者注釋曰

云衆賓之末飲而酬主人之贊者大夫之末飲而酬賓黨亦錯焉者此亦若堂上交錯也云不使執饌者酌謂不使二人執饌者酌云以其將旅酬不以已尊於人也者其堂上皆坐行酒至此立階上旅在下解經興以旅

在下者云其末若皆衆賓則先酬主人之贊者謂大夫或少或無則衆賓為末飲也云若皆大夫者謂大夫多衆賓徧後二解並酬大夫則大夫為末飲也云執觶者酌在上辯降復位者謂二人舉觶酌堂上衆賓已上辯其堂下自酌相旅二人無事故降復于東階前西面北上位也故鄉飲酒記云主人之贊者西面北上不與無算爵然後與必知復位者下
經云執觶者皆與旅是也
長受酬酬者不拜乃飲卒

觶以實之注言酬者不拜者嫌酬堂下異位當拜也古

文曰受酬者不拜疏釋曰謂堂下或賓黨之長或主人贊者之長受堂上酬酬者不拜注

釋曰鄭云酬者不拜者嫌酬堂下異位當拜也
者嫌堂下異位堂上酬堂下當拜故明之也
受酬者

不拜受注禮殺雖受尊者之酬猶不拜疏注釋曰堂下卑者受堂上

尊者酒當拜由禮殺雖尊者之酬猶不拜也

辨旅皆不拜注主人之贊者於

此始旅嫌有拜疏

注釋曰以鄉飲酒記云主人之贊者不與無算爵然後與故鄭言主人之

贊者於此始旅嫌有拜故明之也

執觶者皆與旅注嫌已飲不復飲也

上使之勸人耳非逮下之惠也亦自以齒與於旅也音

義

與音預

疏

注釋曰此即上文二人舉觶者於西階上已卒觶故鄭云嫌已飲不復飲也

卒受

者以虛觶降奠于篚執觶者洗升實觶反奠于賓與大

夫注復奠之者燕以飲酒為歡醉乃止主人之意也無

奠樂注合鄉樂無次數疏

注釋曰知合鄉樂二南者約上正歌時不略其正已歌鄉

樂但上有次第先歌闕昨次歌葛覃卷耳次歌鵲巢
采蘋采芣皆三終有次數今無次數任賓主所好也 ○

賓興樂正命奏陔注陔陔夏其詩亡周禮賓醉而出奏

陔夏陔夏者天子諸侯以鍾鼓大夫士鼓而已音義陔古

才疏釋曰此賓興即命奏下文賓降乃作樂也注釋曰
反疏云陔陔夏其詩亡者九夏皆詩篇鄭注鍾師云歌

之大者載在樂章樂崩亦從而亡云周禮者鍾師云陔
夏杜子春云客醉而出奏陔夏雖非正文亦據周禮而

言云陔夏者天子諸侯以鍾鼓知者鍾師云以鍾鼓奏
九夏是天子法襄公四年穆叔如晉晉侯饗之金奏肆

夏之三不拜則陔夏奏用鍾矣大夫士尚有鼓明諸侯
亦有鼓故總云天子諸侯以鍾鼓知大夫士用鼓者此

鄉射鄉飲酒皆有鼓故
知以鼓奏陔而已也
賓降及階陔作賓出衆賓皆出

主人送于門外再拜注拜送賓于門東西面賓不答拜

禮有終疏

注釋曰知拜送賓于門東西面者此約迎賓時於此拜也云不答拜禮有終者以行禮有

終故不答也

○明日賓朝服以拜賜于門外注拜賜謝恩惠

也音義

朝直逢反

主人不見如賓服遂從之拜辱于門外乃

退注不見不褻禮也拜辱謝其自屈辱疏

注釋曰不見不褻禮者禮

不欲數數則瀆令主人不見恐相褻故不見也

○主人釋服乃息司正注釋服

說朝服服玄端也息猶勞也勞司正謂賓之與之飲酒

以其昨日尤勞倦也月令曰勞農以休息之音義

說吐活反

勞力疏釋曰自此盡經末論息勞司正之事注釋曰上報反文主人如賓服則主人亦朝服矣今言釋服謂

釋去朝服朝服之下衣則次玄端故知釋服說朝服服玄端也玄端即朝服之夜易其裳為異也月令者彼是

十月農功畢勞農以休息之為息田夫之臘祭引之者證息勞為休息之義也無介注勞禮略

貶於飲酒也此已下皆記禮之異者音義介音界疏注釋曰云

勞禮略貶於飲酒也者謂貶於鄉飲酒鄉飲酒禮有介此司正飲酒勞禮無介是貶於鄉飲酒也云此以下皆

記禮之異者謂息司正之不殺注無俎故也音義殺如禮與上飲酒禮異之事也

疏注釋曰下文云無俎無俎故不殺殺即有俎也使人速注速召賓疏注釋曰若公食

使人召之還迎于門外不拜入升不拜至不拜洗薦脯司正為賓也

醢無俎賓酢主人主人不崇酒不拜衆賓既獻衆賓一

人舉觶遂無算爵注言遂者明其閒闕也賓坐奠觶于

其所擯者遂受命于主人請坐于賓賓降說屢升坐矣

不言遂請坐者請坐主于無算爵疏

注釋曰云言遂者明其閒闕也者閒

闕謂閒一人舉觶下有工升歌立司正旅酬及二人舉

觶及徹俎之事以其闕此數事故云遂無算爵也云賓

坐奠觶于其所擯者遂受命于主人請坐于賓賓降說

屢升坐矣此並依正飲酒禮不言遂請坐者請坐主于

無算爵者以其請坐主于無算爵今言無算

爵自然請坐可知故不須言請坐于賓也

無司正注

使擯者而已不立之疏

釋曰不立司正亦是與飲酒禮異

賓不與注昨

日至尊不可褻也古文與作豫音義

與音預

疏

注釋曰賓者主人所

尊敬不可復召之復

徵唯所欲注徵召也謂所欲請呼

疏

注釋曰須止則止須召則召在主人之意故云所欲請呼也

以告于鄉先生君子

可也注告請也鄉先生鄉大夫致仕者也君子有大德

行不仕者音義

行下孟反

疏

注釋曰云鄉大夫致仕者也者此即鄉飲酒注云先生謂鄉中

致仕者云君子有大德行不仕者大德行謂六德

羞唯

六行可貢而不仕者此即居士錦帶亦曰處士

所有注用時見物音義

見賢遍反

疏

注釋曰謂昨日所有之餘見物

鄉樂唯

欲注不歌雅頌取周召之詩在所好音義

好呼報反

疏

注釋曰此

即與上無算樂同而云不歌雅頌者以其上飲酒主於射略於樂不用小雅此非鄉射而亦不歌雅頌者亦不可過於正飲酒禮故云
周召之詩在所好也

記大夫與則公士為賓注不敢使鄉人加尊於大夫也

公士在官之士鄉賓主用處士音義

與音預

疏

注釋曰據此鄉射使

處士無爵命者為賓故有大夫來不以鄉人加尊于大夫故易去之使公士為賓若然鄉飲酒貢士法賢者為賓其次為介又其次為衆賓有大夫來不易去之以其賓擬貢故也云鄉賓主用處士即君子者也
使能

不宿戒注能者敏於事不待宿戒而習之疏

注釋曰解上賓用處

士云能者敏於事者考經云參不敏鄭云敏猶達也則此通達於事

○其牲狗也注狗取

擇人疏

注釋曰鄉飲酒鄉射義取擇賢士為賓天子已下燕亦用狗亦取擇人可與燕者

亨于

堂東北注鄉飲酒義曰祖陽氣之所發也音義

亨普庚反

疏

注釋曰陽氣起於東北而盛於南方亨狗于東北飲酒是陽故法之

○尊綌幕賓至徹之

注以綌為幕取其堅潔音義

綌去逆反

疏

釋曰凡幕者皆為塵埃加故設之但

用幕不用綌不同者凡用醴皆不見用幕質故也即士冠禮子昏禮禮賓贊禮婦聘禮禮賓此等用醴皆無幕是也醴用酒亦無幕者從禮子質也或以尊厭卑亦無幕燕禮君尊有幕方圓壺則無幕昏禮尊於室內有幕尊於房戶外為腰御賤故無幕鄉飲酒鄉射有幕者無所厭故也若祭祀之幕幕人云以疏布幕八尊鄭云天地之神尚質以畫布幕六彝鄭云宗廟可以文凡王巾皆黼注云周尚武其用文德則黻可諸侯無文武與王

同其喪中之冪皆用疏布士喪禮小斂用功布大斂亦同士虞用絺冪與吉同大夫亦當然也云賓至徹之者中冪必有執冪賓未至恐塵加賓至徹去不復用以其鄉射飲酒不見更用之文故也燕禮君命徹冪則未命之前重用之者君尊久設恐塵故重覆之

蒲筵緇布純注筵席也純緣音義

純之閏反又諸允疏釋曰鄉大夫州長與鄉人習禮雖反注同緣以絹反有公卿之尊無加席唯此一種故

記人記之注釋曰云筵席者鄭注周禮序官云鋪陳曰筵藉之曰席然共言之筵席通但在地者為筵取鋪陳之義在上曰席取相承藉之義耳

○**西序之席北上注衆賓統於賓疏**

釋曰衆賓之序繼賓以西南面東上今云西序之席北上者謂衆賓有東面者則北上此東面非常故記之也若然此鄉射上設席雖不言衆賓之數上文云三拜衆賓鄭云三拜示偏也則衆賓亦三人矣而復有東面者

若公卿大夫多尊東不受則於尊西賓
近於西則三賓東面北上統於賓也

○獻用爵其他

用解注爵尊不可褻也○以爵拜者不徒作注以爵拜

謂拜既爵徒猶空也作起也不空起言起必酢主人○

薦脯用籩五臠祭半臠橫于上醢以豆出自東房臠長

尺二寸注脯用籩籩宜乾物也醢以豆豆宜濡物也臠

猶胾也為記者異耳祭橫于上殊之也於人為縮臠廣

狹未聞也古文臠為哉今文或作植音義

臠音

疏

注釋曰云

豆宜濡物也者案王制云一為乾豆鄭云謂腊之以為
祭祀豆實與此違者以其豆實則醢也鄭注周禮醢人

云作醢及鷄者必先膊乾其肉乃後細莖之雜以梁麴及鹽漬以美酒塗置甕中百日則成矣是乾以為豆實醢是也云臠猶臠也為記者異耳者鄉飲酒記云脯五臠此云五臠臠與臠不同非訓之是記者異名不同非別有義故鄭云臠猶臠也云於人為臠者脯法於人為臠者鄉飲酒注引曲禮云以脯修置者左胸右末鄭注曲禮云屈中曰胸取左手案之右手摩之便故於人為臠橫祭半臠橫上於脯為橫於人則為縱也○俎

由東壁自西階升注狗既亨載于東方疏

注釋曰云狗既亨載于東

方者上云亨于堂東北今云俎由東壁者亨在東北實俎曰載載則于東方東方則東壁故云俎由東壁也云自西階升者既由東壁恐如祭饌由東階升故記人明之若祭饌則東階升持牲少牢是也尊神故由阼階升

賓俎脊脅肩肺主人俎脊脅臂肺肺皆離皆右體也進

腠注以骨名肉貴骨也賓俎用肩主人用臂尊賓也離

猶拏也腠膚理也進理謂前其本右體周所貴也若有

尊者則俎其餘體也音義

腠七豆反拏苦圭反

疏

注釋曰云以骨名肉者骨為本

有名肉為末無名所食即肉故以骨名肉必知骨有肉者特牲乃食舉注云舉言食者明凡解體皆連肉是有肉也云賓俎用肩主人用臂尊賓也者此據前三體而言以其體有肩臂膞禮記祭統云周人貴肩為其顯故賓用肩尊賓也云離猶拏也者案禮記少儀云牛羊之肺離而不提心鄭云提猶絕也劉離之不絕中央少者中央少者即是心也此將食舉肺也云進理謂前其本者此與公食同生人食法少牢進下者是鬼神食法云右體周所貴也者對左股所貴云若有尊者則俎其餘體也者前三肩臂膞以次用之賓主已用肩臂有一

大夫則用膞二大夫則取後體用膊若有三大夫已上則用膞其脊脅與賓主同故下文云獲者之俎折脊脅肺膞注云膞若膊膞也○凡舉爵三作而不徒爵注折以大夫之餘體是也

謂獻賓獻大夫獻工皆有薦疏

注釋曰知此三人者以其言三作故知唯此三

人而已

○凡奠者於左注不飲不欲其妨疏

釋曰謂若酬賓奠於右賓

奠之於左

將舉者於右注便其舉也疏

釋曰謂若酬一人二人舉奠之於薦右便

舉之者也

○衆賓之長一人辭洗如賓禮注尊之於其黨音

義

長丁疏釋曰此獻三賓之時主人唯為長者一人

○

若有諸公則如賓禮大夫如介禮無諸公則大夫如賓

禮注尊卑之差諸公大國之孤也樂作大夫不入注後

樂賢也○樂正與立者齒注謂其飲之次也尊樂正同

於賓黨鄉飲酒記曰與立者皆薦以齒音義與音預三笙

一和而成聲注三人吹笙一人吹和凡四人也爾雅曰

笙小者謂之和音義和戶疏注釋曰云爾雅曰笙小者

大笙謂之巢孫氏注云巢高大又獻工與笙取爵于上

篚既獻奠于下篚其笙則獻諸西階上注奠爵于下篚

不復用也今文無與笙疏

注釋曰云奠爵于下篚不復用也者謂堂上不復用無妨

堂下更人用之知者獻獲及釋獲者皆取而獻之是也○大射獻服不氏用散不用爵者彼君禮與此異也○

立者東面北上注賓黨疏

釋曰此謂一命及不命來觀禮者與堂下衆賓齒東面北

上而立○司正既舉觶而薦諸其位注薦於觶南疏

注釋曰知

薦於觶南不薦於觶北者以司正觶南北面立若薦觶北與觶相隔非位前故知觶南位北也

○三耦

者使弟子司射前戒之注弟子賓黨之少者也前戒謂

先射請戒之疏

注釋曰云使弟子司射前戒之者謂請射之前戒之以其經云三耦侯於堂西

故鄭云前戒謂先射請戒之也

○司射之弓矢與扑倚于西階之西注

便其事也音義

扑普反疏注釋曰此矢謂挾一个者初司射適堂西袒決遂取弓矢于階

西兼挾垂矢則誘射之弓矢亦在階西矣若然誘射訖適堂西改取一個挾之遂適階西取扑此一個實在堂西至視算之時於西階西釋弓矢去扑獻釋獲者此亦在西階西故鄭云便其事也○司射既袒

決遂而升司馬階前命張侯遂命倚旌注著竝行也古

文曰遂命獲者倚旌疏

注釋曰云著竝行者謂司射與司馬有不竝行事時案上文將

射適堂西袒決遂取弓矢於西階上北面告賓曰弓矢既具有司請射其時司馬即階前命倚旌此皆同時故鄭云著竝行事如上經納射器及比三耦以前司射獨行事後及司正為司馬與司射竝行事故記人記之也

○凡侯天子熊侯白質諸侯麋侯赤質大夫布侯畫以

虎豹士布侯畫以鹿豕注此所謂獸侯也燕射則張之

鄉射及賓射當張采侯二正而記此者天子諸侯之燕射各以其鄉射之禮而張此侯則經獸侯是也由是云焉白質赤質皆謂采其地其地不采者白布也熊麋虎豹鹿豕皆正面畫其頭象於正鵠之處耳君畫一臣畫二陽奇陰耦之數也燕射射熊虎豹不忘上下相犯射麋鹿豕志在君臣相養其畫之皆毛物之音義

麋亡悲反正音

征下正鵠同鵠戶沃反射熊之

疏

注釋曰云此所謂獸侯也者周禮梓人云

張獸侯以息燕注云息者休農息老物也燕謂勞使臣若與羣臣飲酒而射是也云燕射則張之者燕禮大射

正為司射如鄉射之禮是諸侯燕用鄉射之禮故云燕射則張之也天子雖無文據記明天子燕射亦用鄉射之法也云鄉射及賓射當張采侯二正者案周禮射人掌賓射大夫士同二正是賓射二正鄉射無文知亦采侯二正者周禮賓射與賓客為射此鄉射雖與鄉人習禮亦如賓主行射禮又非私相燕勞故約與賓射同也言采侯者梓人云張五采之侯則遠國屬是賓射之侯故云采侯也云而記此者天子諸侯之燕射各以其鄉射之禮者以天子自用鄉射之禮諸侯自用鄉射之禮大夫士亦各隨其君用鄉射之禮也用鄉射之禮謂張侯道五十步及三耦一與鄉射同云張此侯則經獸侯是也由是云焉者謂由是用鄉射法故經云獸侯於此鄉記也云白質赤質皆謂采其地者案周禮掌蜃云共白盛之蜃則此以蜃灰塗之使白為地赤質者亦以赤塗之使赤為地云不采者白布也者謂大夫士直云布侯者也云熊麋虎豹鹿豕皆正面畫其頭者知皆畫首

者以其言貍首者射不來者之首明此獸侯等亦正面
畫其頭也云象其正鵠之處耳者案梓人云參分其廣
而鵠居一焉據大射之侯若賓射之侯則三分其侯正
居一焉若燕射之侯則獸居一焉故云象其正鵠之處
耳云君畫一臣畫二陽奇陰耦之數也者禮記郊特牲
云君之南鄉答陽之義也臣之北面答君也是君陽臣
陰又天一生水地二生火是一二陰陽之數故云君一
臣二陽奇陰耦之數也云燕射射熊虎豹不忘上下相
犯者三者皆猛獸不苟相下若君臣之道亦獻可者替
否者不苟相從輒當犯顏而諫似獸等故用之云射麋
鹿豕志在君臣相養也者案內則云麋鹿豕皆有軒竝
是可食之物故云相養也云其畫之皆毛物之者此無
正文但畫五正三正之侯各以其色

凡畫者丹質注賓

射之侯燕射之侯皆畫雲氣於側以為飾必先以丹采

其地丹淺於赤疏

注釋曰云賓射之侯燕射之侯者此鄉射以采侯二正是賓射之侯也此

獸侯也又是燕射之侯故鄭並言之云皆畫雲氣於側以為飾者鄭解經凡言畫者皆畫雲氣故以雲氣解之也蓋象雲色若賓射之侯天子九十步侯朱白蒼黃玄五正者還畫此五色雲氣於其側七十步侯朱白蒼三正者還畫此三色雲氣於其側五十步侯朱綠二正者還畫此二色雲氣於其側以為飾也云必先以丹采其地者欲畫此五色三色雲氣時必先用丹采此地乃於其上畫雲氣也天子侯九十步之內更有七十五步侯畿內諸侯七十步侯內更有五十步侯畿外諸侯九十步侯內更有七十五步侯其畫之采皆如其數也以侯數非一尊卑又不同故云凡以廣之言凡畫雲氣以丹為質地者也云丹淺於赤者案月令云乘朱路駕赤駟載赤旂衣朱衣朱與赤互言之即為一物又案冬官鍾氏云以朱湛丹梳四入為朱色深而湛丹梳故知

丹淺於赤鄭言此者欲見以丹為地
丹上得見赤色雲之義故言此也

○射自楹閒物長

如筈其閒容弓距隨長武注自楹閒者謂射於庠也楹

閒中央東西之節也物謂射時所立處也謂之物者物

猶事也君子所有事也長如筈者謂從畫之長短也筈

矢幹也長三尺與跬相應射者進退之節也閒容弓者

上下射相去六尺也距隨者物橫畫也始前足至東頭

為距後足來合而南面為隨武跡也尺二寸疏

注釋曰云自楹

閒者謂射於庠也知者以其言楹閒則是庠則物當楹
故知非射於序者也云楹閒中央東西之節也者以其

楹間南北無限東楹西楹相當故知東西之節也云長如筈者謂從畫之長短也者其下有距隨為橫此言物長又是從迹之稱故知南北之長短也云筈矢幹也長三尺者以矢人職得知也云與跬相應者禮記祭義云故君子跬步而弗忘孝也一舉足謂之跬再舉足謂之步射者履物不過一跬故知以三尺為限也云距隨者物橫畫也始前足至東頭為距後足來合而南面為隨者謂上射下射竝足處皆然言長武武跡也中人之跡尺二寸謂橫尺二寸也

序則物當棟堂則物當楹注是制五架之

屋也正中曰棟次曰楹前曰殿音義

架音駕殿九偽反又九委反

疏

注釋曰云是制五架之屋也者庠序皆然但有室無室為異

○命負侯者由其位注

於賤者禮略疏

釋曰其位正據司馬自在已位遙命之遙命者由負侯者賤略之故也對司射

比耦則就其位經無司馬命負侯之位故記之也

○凡適堂西皆出入于司馬

之南唯賓與大夫降階遂西取弓矢注尊者宜逸由便

也○旌各以其物注旌總名也雜帛為物大夫士之所

建也言各者鄉射或於庠或於榭疏

注釋曰云旌總名也者以周禮司常

云九旗對文通帛為旌雜帛為物全羽為旄析羽為旌各別今名物為旌者散文通故云旌總名也云雜帛為物大夫士之所建也者司常文通帛者通體並是絳帛周所尚赤也雜帛者中絳緣邊白也白殷之正色故鄭彼注云言先王正道佐職也云言各者鄉射或於庠或於榭者諸侯鄉大夫是大夫詢衆庶射於庠諸侯州長是士春秋習射於榭大夫士同建物而云各者雖同建物杠則大夫五仞士三仞不同故云各也

無物

則以白羽與朱羽糝杠長三仞以鴻脰韜上二尋注無

物者謂小國之州長也其鄉大夫一命其州長士不命

不命者無物此翽旌也翽亦所以進退衆者糝者雜也

杠橦也七尺曰仞鴻鳥之長脰者也八尺曰尋今文糝

為縮縮為翽音義

糝女又反杠音江脰音豆韜吐刀反翽徒刀反橦直江反疏注釋曰云

無物者謂小國之州長也者案典命子男之卿再命大夫一命士不命大夫一命得建物士不命則無物是以不得與上各以其物同別為此旌云此翽旌也者據下文士鹿中翽旌也下云君國中射則皮樹中以翽旌獲此不命士與國君同者士卑不嫌命士以上尊卑自異也云翽亦所以進退衆者此非直用之於獲案喪大記

君莫時執翽居前詔傾虧亦所以進退衆人也云七尺曰仞者無正文鄭案書傳云雉長三丈高一丈則牆高一丈禮記祭義云築宮仞有三尺牆高一丈云仞有三尺除三尺之外只有七尺故知七尺曰仞也王肅則依小爾雅四尺曰仞孔君則八尺曰仞所見不同也云鴻鳥之長脰者也者脰則項也云八尺曰尋者亦無正文冬官云車有六等之數云爰長尋有四尺長○凡挾矢丈二而云尋有四尺除四尺則尋長八尺矣

於二指之閒橫之注二指謂左右手之第二指此以食

指將指挾之音義

將子疏注釋曰云二指謂左右手之匠反第二指知左右手皆挾之者

以云二指之閒橫之則知左右手也云此以食指將指挾之者以左擘指拓弓右擘指鈎弦故知挾矢以第二第三指閒第二指為食指左傳云子公之食指動是也第三指為將指左傳云吳王闔閭傷於將指是也故云

食指將指之間挾之知不在無名指間者
以無名指短與將指不相應故知不是也 ○司射在司

馬之北司馬無事不執弓注以不主射故也疏
釋曰經不明言

司射與司馬南北相當故明之也

○始射獲而未釋獲復釋獲復用樂

行之注君子取人以漸音義

射食亦反又食夜反復用之復扶又反

疏
釋曰

始射獲而未釋獲據三耦射時云復釋獲者據第二番射時復用樂行之據第三番射時

○上射於

右注於右物射 ○幅長如筈博三寸厚寸有半龍首其

中蛇交韋當注博廣也兩端為龍首中央為蛇身相交

也蛇龍君子之類也交者象君子取矢於楅上也直心

背之衣曰當以丹韋為之司馬左右撫矢而乘之分委

於當音義

厚戶豆反直音值乘繩證反

疏

注釋曰云蛇龍君子之類也者易云龍戰於野其血

玄黃鄭注云聖人喻龍君子喻蛇是蛇龍總為君子之類也云直心背之衣曰當者直通身之言其幅兩頭為龍首於背上通身著當言當心中央也知丹韋為之者周尚赤上云凡畫者丹質又周禮九旗之帛皆用絳故知此當亦以丹韋為之云司馬左右撫矢而乘之分委於當者若未分時總在於當今則四四在一邊不謂分訖乃置於

幅髮橫而奉之南面坐而奠之南北當洗注

兩當也

髮赤黑漆也音義

髮虛求反

疏

釋曰云南面坐而奠之者取向弟子持矢北面故南面奠

之云南北當洗者恐南北不知遠近故記言南北當洗南北節也

○射者有過則撻之

注過謂矢揚中人凡射時矢中人當刑之今鄉會衆賢

以禮樂勸民而射者中人本意在侯去傷害之心遠是

以輕之以扑撻於中庭而已書曰扑作教刑疏

注釋曰云是以

輕之以扑撻於中庭而已引書者謂尚書堯典之文彼據教學故彼注云不勤道業則撻之引之者於射時司射搯扑亦是教射法故引證撻犯禮之過者是以尚書亦云侯以明之撻以記之是也

○衆賓不

與射者不降注不以無事亂有事古文與為豫音義

與音

預疏

釋曰鄉射不得與射者雖誓僅有存焉三賓已上容其有文無武者許其不射故記者言之也

○

取誘射之矢者既拾取矢而后兼誘射之乘矢而取之

注謂反位已禮成乃更進取之不相因也疏

注釋曰云不相因者

既自拾取已之垂矢反位東西望訖上射乃更向前兼取誘射之矢禮以變為敬故不相因

○賓主

人射則司射擯升降卒射即席而反位卒事注擯賓主

人升降者皆尊之也不使司馬擯其升降主於射疏

注釋

曰云不使司馬擯其升降主於射者必以司射決之者以司馬本是司正不主射事司射主射事故使司射也

○鹿中髣前足跪鑿背容八算釋獲者奉之先首注前

足跪者象教擾之獸受負也音義

奉芳勇反擾而小反

疏

注釋曰服不氏

教擾猛獸不堪受負其有合負物者教擾則屈前足以受負若今馳受負則四足俱屈之類也

○大夫

降立于堂西以俟射注尊大夫不使久列於射位疏

釋曰

謂主人大夫降時賓主先射大夫則立于堂西其耦在司馬之西射位大夫且立于堂西射至乃就其耦共升

射

大夫與士射袒纁襦注不肉袒殊於耦音義

襦如朱反

耦

少退于物注下大夫也既發則然○司射釋弓矢視算

與獻釋獲者釋弓矢注惟此二事休武主文釋弓矢耳

然則擯升降不釋疏

釋曰此二者經文自具記之者以唯此二事釋欲顯出賓主升降時

不釋故言之是以鄭云然則擯升降不釋也

○禮射不主皮主皮之射者勝

者又射不勝者降注禮射謂以禮樂射也大射賓射燕

射是矣不主皮者貴其容體比於禮其節比於樂不待中為雋也言不勝者降則不復升射也主皮者無侯張獸皮而射之主於獲也尚書傳曰戰鬪不可不習故於蒐狩以閑之也閑之者貫之也貫之者習之也凡祭取餘獲陳於澤然後卿大夫相與射也中者雖不中也取不中者雖中也不取何以然所以貴揖讓之取也而賤勇力之取嚮之取也於圉中勇力之取今之取也於澤宮揖讓之取也澤習禮之處非所於行禮其射又主中

此主皮之射與天子大射張皮侯賓射張五采之侯燕

射張獸侯音義

射與音餘疏

注釋曰云禮射謂以禮樂射也者射時有禮兼作樂故連樂言

之不言鄉射者鄉射用采侯賓射中兼之故不言也云
不主皮者貴其容體比於禮其節比於樂者此即九節
七節五節應於樂節是也云言不勝者降不復升射也
者據主皮射者也禮射二番不勝仍待後番復升射也
尚書傳者濟南伏生為尚書作傳云凡祭取餘獲陳於
澤然後卿大夫相與射也者此則周禮山虞田訖虞人
植旗於中屬禽焉每禽擇取三十餘將向國以祭謂若
大司馬云仲春祭社仲夏享祔仲秋祀方仲冬享烝凡
祭乃以餘獲陳於澤宮中卿大夫士共以主皮之禮射
取之云雖不中雖中者據向田時也云非所於行禮者
云揖讓取即是行禮而云非所於行禮者揖讓雖是禮
對大射之等其體比於禮其節比於樂為非所行禮也

云此主皮之射與者書傳不言主皮以義約同故云與以疑之也云天子大射以下者案梓人云張皮侯而棲以鵠則春以功即此鄭云天子大射張皮侯也梓人又云張五采之侯遠國屬即此鄭云賓射張五采之侯也梓人又云張獸侯以息燕即此鄭云燕射張獸侯也鄭言此者證此是禮射與主皮異也若然天子有澤宮又有射宮二處皆行射禮者澤宮之內有班餘獲射又有試弓習武之射若西郊學中射者行大射之禮張皮侯者是也澤宮中射者將欲向射宮先向澤宮中行試弓習武之射此習武之射無侯直射甲革樞質故司弓矢職云王弓弧弓以授射甲革樞質而注引圉師職曰射則充樞質是也

○主人亦飲于西

階上注就射爵而飲也已無俊才不可以辭罰疏

釋曰此謂

主人在不勝之黨受罰爵之時也注釋曰云就射爵而飲也者謂西楹西豐上射爵也云已無俊才不可以辭

受罰者以主人尊恐不
受罰爵故言此也

○獲者之俎折脊脅肺臠注臠若

膊脰蔽之折以大夫之餘體音義

臠奴報反膊音純脰音格又音各蔽苦角

反疏

注釋曰上賓主人已用肩臂唯有臠及膊脰蔽若脊脅骨多尊卑皆有自臠已下各得其一今鄭具

言之欲見科取其一定以其若無大夫獲者得臠即經所云者故臠在肺下欲見無大夫已合得若大夫一人大夫得臠獲者得膊若大夫二人獲者即得脰若大夫三人獲者即得蔽若大夫公卿更多則折之不得整體或更取餘體也故鄭又

東方謂之右个注侯以鄉堂

為面也音義

个音疏釋曰以其經直云左右个幹不辨東西故記人明之也

釋獲者

之俎折脊脅肺皆有祭注皆皆獲者也祭祭肺也以言

肺謂剗肺不離嫌無祭肺音義

剗寸本反

疏

注釋曰云以言肺謂剗肺不離

者即經中脊脅肺是切肺與祭肺同也云嫌無祭肺者此明記人之意見上已有剗肺不離者即經中脊脅肺是剗肺與祭肺同嫌更不別有祭肺故言皆有祭肺言皆皆獲者欲見釋獲者與主獲者二者皆別有祭肺故云皆也若然上肺即舉肺案公食大夫有切肺與祭肺者優賓使賓祭此二者此以舉肺為祭肺者略賤者之義是以有司徹侑俎羊切肺一侑俎豕亦切肺一鄭云豕又祭肺不啻肺不備禮則是略賤之類也

○大

夫說矢束坐說之注明不自尊別也音義

說吐活反又始銳反別彼

列反○歌騶虞若采蘋皆五終射無算注謂衆賓繼射者

衆賓無數也每一耦射歌五終也疏

注釋曰上用騶虞以化民下用采蘋

大夫之樂節亦可皆五終者大夫士皆五節一節一終故云五終也鄭言衆賓無數者謂堂下衆賓繼射者故無數若堂上衆賓則三人也○古者於旅也語注禮成樂備乃可以

言語先王禮樂之道也疾今人慢於禮樂之盛言語無節故追道古也○凡旅不洗注敬殺不洗者不祭注不

盛○既旅士不入注從正禮也既旅則將燕矣士入齒

於鄉人疏注釋曰以其士立於下故齒於鄉人也

○大夫後出注下鄉人

不干其賓主之禮疏注釋曰賓主及衆賓出後乃出故云不干其賓主之禮主人

送於門外再拜注拜送大夫尊之也主人送賓還入門

揖大夫乃出拜送之疏

注釋曰上文大夫後出是大夫意不干賓主之禮此經主人意

故鄭云拜送大夫尊之也知主人送賓還入門揖大夫乃出送拜之者以其上經云賓出主人送于門外再拜此記又云大夫後出主人送于門外再拜故知主人送賓還入門揖大夫乃出送再拜之也

○鄉侯

上个五尋注上个謂最上幅也八尺曰尋上幅用布四

丈疏

注釋曰以五尋尋八尺五八四十故四丈也

中十尺注方者也用布五

丈今官布幅廣二尺二寸旁削一寸考工記曰梓人為

侯廣與崇方謂中也疏

注釋曰云方者也者謂侯中也正方十尺云用布五丈今官布

幅廣二尺二寸旁削一寸者鄭意此言十尺用布五幅幅廣二尺二寸兩畔各削一寸為縫幅各二尺在故五

幅為一丈也漢法幅二尺二寸亦古制存焉故舉以為況若然周禮鄭志純三只只八寸二尺四寸者據繒幅也士喪禮云云則以繒長半幅注云半幅一尺終幅二尺亦謂繒而幅二尺者幅有二種喪禮略用其狹者故周禮鄭云凡為神之衣物必沽而小是也引梓人者彼總據三侯侯中皆廣與崇方引之證經十尺是方也

侯道五十弓弓二寸以為侯中注言侯中所取數也量

侯道以狸步而云弓者侯之所取數宜用射器也正二

寸者較中之博也今文改弓為肱也音義

較胡飽反又下巧反李苦

教反肱疏

注釋曰云言侯中所取數也者謂侯中大小取數于侯道云量侯道以狸步者大射文故

彼云以狸步張三侯是用步耳而云弓者六尺為步弓之下制六尺與步相應侯之所取數宜用射器故此經

云弓也云正二寸者散中之博也者案周禮弓人云散解中有變焉謂弓附把中側骨之處博二寸故於此處取數

倍中以為躬注躬身也謂中之上下幅也用布各

二丈疏

注釋曰身謂中上中下各橫接一幅布者故鄭云中之上下幅用布各二丈也

倍躬以

為左右舌注謂上个也居兩旁謂之个左右出謂之舌

疏

注釋曰言謂上个者對下个不得倍躬故謂上个也云兩旁謂之个在躬之兩旁則謂之个云左右出謂

之舌謂躬外兩相各出一丈若人舒舌故下云下舌半上舌據出者而言也

下舌半上舌注

半者半其出於躬者也用布三丈所以半上舌者侯人之形類也上个象臂下个象足中人張臂八尺張足六

尺五八四十五六三十以此為衰也凡鄉侯用布十六

丈數起侯道五十弓以計道七十弓之侯用布二十五

丈二尺道九十弓之侯用布三十六丈音義

衰初疏注危反

曰半者半其出於躬者也者以其言舌故知半其出者也云用布三丈者上舌兩相各一丈今下舌兩相各五尺通躬二丈故云用布三丈也云侯人之形類也者人形上廣下狹故也云五八四十據上个四丈五六三十據下个三丈以此上下為衰差也云凡鄉侯用布十六丈數起侯道五十弓以計者用布十六丈者中五幅幅一丈用布五丈上下躬各二丈總四丈上个四丈下个三丈是總十六丈也云道七十弓之侯用布二十五丈二尺者道七十弓弓取二寸二七十四侯中丈四尺七幅幅有丈四尺中用布九丈八尺上下躬各用布二丈

八尺上下總用布五丈六尺上介倍躬為五丈六尺下
舌半上舌上舌出者兩相各出丈四尺下舌半之兩相
各出七尺下舌用布一丈四尺通躬二丈八尺總計用
布四丈二尺通計用布二十五丈二尺也云道九十弓
之侯用布三十六丈者弓取二寸九十弓侯中文八尺
侯中用布九幅幅別丈八尺中用布十六丈二尺倍中
以為躬上下躬各用布三丈六尺上下總七丈二尺倍
躬以為左右舌上舌用布亦七丈二尺下舌亦半上舌
上舌出者丈八尺下舌半之則下舌總用布
五丈四尺以此計之總用布三十六丈也

○箭籌八

十注箭篠也籌算也籌八十者略以十耦為正貴全數

其時衆賓從賓音義

篠息了反

疏

注釋曰云箭篠也者謂以箭為籌射之耦隨賓多少

今言八十舉成數以十耦為正但一者數之始十者數之終以十耦為成數也

長尺有握握素

注握本所持處也素謂刊之也刊本一膚音義

刊苦反

疏

釋曰云長尺復云有握則握在一尺之外則此等尺四寸矣注釋曰云刊本一膚者公羊傳僖三十一年云觸石而出膚寸而合不崇朝而徧雨乎天下者唯泰山爾何休云側手為膚又投壺云室中五扶注云鋪四指曰扶一指案寸皆謂布四指一指一寸四指則四寸引之者證握膚為一謂刊四寸也

○楚扑長如

筭刊本尺注刊其可持處○君射則為下射上射退于

物一筭既發則答君而俟注答對也此以下雜記也今

文君射則為下君樂作而后就物君袒朱襦以射注君

尊小臣以巾執矢以授注君尊不搢矢不挾矢授之稍

屬音義

屬章欲反

若飲君如燕則夾爵注謂君在不勝之黨

也賓飲君如燕賓媵觚于公之禮則夾爵夾爵者君既

卒爵復自飲音義

飲於鵠反夾古洽反觚音孤

○君國中射則皮樹

中以翽旌獲白羽與朱羽糝注國中城中也謂燕射也

皮樹獸名以翽旌獲尚文德也今文皮樹為繁豎糝為

緇古文無以音義

緇吐刀反

疏

注釋曰知城中是燕射者以其下有賓射大射不在國中

故國中是燕射以其燕在寢故也云以翽旌獲尚文德也者以其燕主歡心故旌從不命之士亦取尚文德之義必知取尚文德者以其以文德者舞文舞羽舞也以武德者舞武舞干舞也此既用羽知取尚文德也於

郊則閭中以旌獲注於郊謂大射也大射於大學王制

曰小學在公宮之左大學在郊閭獸名如驢一角或曰

如驢岐蹄周書曰北唐以閭析羽為旌音義

大音泰岐巨支反一

音支析疏注釋曰知於郊謂大射也者案大射云公入

悉歷反

驚從外来入此既言於郊故知大射在郊也

云大射於大學者據諸侯而言也天子大射在虞庠小

學以其天子大學在國中小學在郊諸侯不得立大學

在國立大學在郊故鄭引王制小學在公宮之左大學

在郊是殷法諸侯用焉故引為證必知諸侯立大學在

郊者見詩魯頌有泮宮禮記云故魯人將有事於上帝

必先有事於類宮鄭云類宮郊之學也則詩泮宮此郊

學是也云閭獸名如驢一角或曰如驢岐蹄周書曰

北唐以閭者岐蹄已上山海經文周書見於國語也

於

竟則虎中龍旌注於竟謂與鄰國君射也畫龍於旌尚

文章也通帛為旌音義

竟音景注同旌之然反

疏

注釋曰與鄰國君射則賓射也

以其君有送賓之事因送則射云尚文章也者亦若翻旌也云通帛為旌司常文鄭注云凡九旗之帛皆用絳則通帛者正幅為絳長尋曰旌繫旒曰旒通體皆用絳帛為之名旌大夫兕中各以其物

獲注兕獸名似牛一角音義

兕徐履反

疏

釋曰下有士則此專據大夫為文而

云各以其物者公侯伯大夫再命子男之大夫一命為卿大夫其數雖同旒依命數不同故云各又下云士翻旌以獲唯小國之州長不命者則公侯之州長一命有旌亦入物中則各內兼之矣故云各注釋曰兕似牛一角案爾雅及山海經知之士鹿中翻旌以獲注謂小國之州長也用

翻為旌以獲無物也古文無以獲唯君有射于國中其

餘否注臣不習武事於君側也古文有作又今文無其

餘否疏

釋曰天子諸侯皆燕射在國又天子賓射在朝亦在國大夫士燕射賓射不在國大夫又得行

大射雖無郊學亦不得在國是以孔子為鄉射射於巽相之圖是其一證若然此鄉射亦不在國中亦宜在國外故記於此見之也○君在大夫射則肉袒注不袒纁襦厭於君

也今文無射音義

厭於疏

注釋曰上云大夫與士射袒纁襦今與君射為厭與士同

故肉袒也

儀禮注疏卷五

儀禮注疏卷五考證

主人戒賓賓出迎再拜主人答再拜乃請○教繼公云

請下似脫一賓字

臣紱

按鄉飲酒禮云乃請賓教氏

蓋以彼例此

乃席賓注不言於戶牖之間者此射於序○教繼公云

不言戶牖間者可知也記曰出自東房有東房西房

則中有室而席賓於戶牖間也明矣

臣紱

按鄭意以

庠有室序無室無室則無戶牖故云此射於序然有

房無室不成屋制若并無房則籩豆何所置之且經言東西序東西堂皆與廟寢無異則序與庠似無異制也疑敖說為長

乃張侯疏上綱與下綱出舌尋緘寸焉○緘監本譌作絹今据考工記正之

賓厭衆賓衆賓皆入門左○敖繼公云賓厭衆賓入門左此衍三字爾

主人坐取爵興注致潔敬也○致監本譌作飲鄉飲注

作致從之

主人坐取爵實之賓之席前○賓之席前監本作賓席之前教繼公云當作之席

賓卒洗揖讓如初升疏釋曰言如初則亦一揖一讓也○疏十二字監本訛在下節之下今移屬此為是

大夫若有尊者注卿大夫士非鄉人禮亦然○卿監本作鄉臣紱按此兼士言之又非言鄉人則當為卿大

夫明矣

工四人二瑟疏近鼓持之手入則淺近尾持之手入則

深○監本無手字淺字尾持之字

臣學健

按細玩文

意如此乃完今補入

未旅疏故再獻訖即射○獻監本作拜

臣紱

按上經獻

賓獻衆賓是再獻也獻遵則或有或無不定故不數
今改獻

司射降自西階疏故賓黨主黨皆不與也○故賓黨主

四字監本作上下經文

臣宗楷

按四字似無著据黨

字則知上字之為賓矣。据皆字則知又有主黨矣。細
繹疏文正之。

命下射曰。○下石經誤作不。

豫則鉤楹內注。今文豫為序。○教繼公云。序之文意明
白於豫。且記亦以序對言。宜從今文。臣紱按鄭氏謂
榘無室而讀豫為榘殊覺牽強。教說似可從。

改取一个挾之。○取監本譌作作。今依石經及教本改
正。

皆當其物○疏文二十七字監本謫在下節之下今以
經次之當移此

乃射上射既發挾弓矢而后下射射○敖繼公云弓字
衍文大射儀無弓字

疏引孝經說取孝經緯援神契文○

臣紱

按据此則

注當有引孝經之語而刻本失之

告于大夫曰○告于上石經及教本有以耦二字

三耦拾取矢皆袒決遂執弓○朱子云此拾取矢疑衍

與進者相左相揖反位○揖字下石經有退字蓋衍文
司馬袒決執弓升○敖繼公云禮無決而不遂者此決
字當衍上經云司馬適堂西不決遂袒執弓此宜如
之

疏不敢殊別於賓故不束○監本脫故不束三字今
尋繹上下文義補之

及階勝者先升堂少右○石經疊少字衍文楊本教本
疊升字

興適左个中亦如之○亦石經作皆謫

司射適階西○適教本作西

薦脯醢折俎○教繼公云折俎上當有設字蓋文脫也
司射猶挾一个以進作上射如初○教繼公云上字似
行否則上字下當有耦字或云進字亦行

升飲如初○教繼公云大射儀此下云卒退豐與解如
初此脫一句

適堂西以命拾取矢如初○堂石經作階誤

樂正命弟子贊工即位注樂正反自西階東○自集說
作于文勢較順

賓與大夫反奠于其所○賓與大夫下石經及教本有
坐字

執觶者受觶注今文無執觶以下共二十字又疏此經
曰執觶者以下共三十一字○監本誤置于卒受者
以虛觶降奠于篚節下臣紱按於彼經無所當應移
屬于此

長受酬注古文曰受酬者不拜○監本脫受字今依朱
子本補

主人釋服乃息司正疏自此盡經末論息勞司正之事
○疏共十二字監本誤置于明日賓朝服節下

臣紱

按以經次之應移屬於此

獻用爵○朱子本獻上有凡字石經及諸本皆無

三笙一和而成聲○

臣紱

按注謂三人吹笙一人吹和

而引爾雅和為笙之小者以證之是也教繼公謂一

人歌其所吹之詩以和之殊屬臆說笙詩有聲無辭
朱子及劉敞論之審矣

遂西取弓矢○遂監本譌作送今依石經及朱子本楊
本教本改正

福槩橫而奉之○奉石經及釋文作拳朱子嘗論其誤
今依監本

大夫與士射袒纁襦○纁石經及楊本教本作薰教繼
公云古字通用今从纁

獲者之俎折脊脅肺臠○

臣紱

按臠在折中不應又出

臠字蓋因注文第一字而誤衍也教本已刪而附論
於卷尾但賈疏自作有臠字解故仍其舊而加圈別
之

中十尺疏純三只只八寸○兩只字監本皆譌尺

臣紱

按只八寸鄭康成答趙商語見天官內宰及聘禮疏
中

長尺有握注刊本一膚○監本一字下行作字

臣紱

按

膚長四寸言刊其本處一膚之長也通解無作字從之

士鹿中翽旌以獲注謂小國之州長也用翽為旌以獲無物也古文無以獲○以上經與注共二十九字監本皆脫其經文石經及敖本並有之注則依朱子本揚本補

儀禮注疏卷五考證

謹案第五頁前四行疏以下綱象足刊本以下訛
下以據監本改

第二十二頁後五行疏明此時始選刊本選訛遷
據監本改

第二十七頁前五行疏右手相刊本右訛左據監
本改

第三十三頁前六行疏不得以司射向北刊本以
訛與今改

第三十五頁後六行音義數所主反刊本反訛及
據經典釋文改

第三十七頁後四行疏此篇無正齒位之事刊本
事訛禮今改


第五十頁前二行疏俟復射者刊本射訛釋據注
文改

第五十八頁前一行疏先知審固也刊本固訛故
今改

第七十頁後三行疏證息勞為休息之義也刊本
為訛來今改

第八十二頁前八行疏云南北當洗者刊本云訛
而據監本改





覆校官編修臣項家達

校對官修撰臣張書勲

謄錄監生臣顧振